

መልእክተ : ጳውሎስ : ጎበ : ሰብአ : ሮሜ ::

ምዕራፍ : ፩

፩ ጳውሎስ : ጎበሩ : ለእግዚአብሔር : ኢየሱስ : ክርስቶስ : ወሐዋርያ : ዘተ  
 ፪ ጳውሎስ : ወተፈልጠ : ለትምህርተ : ወንጌል : እግዚአብሔር :: ዘአቅደመ :  
 ፫ ነጊረ : በአፈ : ነቢያተሁ : ወበመጻሕፍተሁ : ቅዱሳት :: በእንተ : ወልዱ :  
 ፬ ዘተወልደ : ወመጽአ : እምዘርዐ : ዳዊት : በሥጋ : ሰብእ :: ወኣርአየ : ከ  
 ፭ መ : ወልደ : እግዚአብሔር : ውእቱ : በኅይሉ : ወበመንፈሱ : ቅዱስ : ከ  
 ፮ መ : ተንሥአ : እምወታን : ኢየሱስ : ክርስቶስ : እግዚአብሔር :: ዘቦቱ : ረከ  
 ፯ ስ : እመኑ : በስሙ :: ከመ : አንትሙኒ : ይእዜ : ኮንክሙ : ጽዉዓነ : በኢየሱ  
 ፰ ስ : ክርስቶስ :: ለኩሎሙ : እለ : ሀለዉ : ብሔረ : ሮሜ : ፍቁራኒሁ : ለእ  
 ፱ ግዚአብሔር : ወኅሩያኒሁ : ወቅዱሳኒሁ :: ሰላም : ለክሙ : ወጸጋ : እግዚ  
 ፳ አብሔር : አቡነ : ወእግዚአብሔር : ኢየሱስ : ክርስቶስ :: አቀድም : አእኩቶ  
 ፳፩ ለእግዚአብሔር : በኢየሱስ : ክርስቶስ : በእንተ : ኩልክሙ : እስመ :  
 ፳፪ ተሰምዐት : ሃይማኖትክሙ : ውስተ : ኩሉ : ዓለም :: ወእግዚአብሔር : ሰ  
 ፳፫ ማዕትየ : ዘኪያሁ : አመልክ : በኩሉ : መንፈስየ : ወበትምህርተ : ወልዱ :  
 ፳፬ ከመ : እዜከረክሙ : በጸሎትየ : ዘልፈ : ወእስክል : ከመ : ይሠርሐኒ : እ  
 ፳፭ ግዚአብሔር : በፈቃዱ : እምጻእ : ኅቤክሙ :: እስመ : እፈቅድ : እርአይ  
 ፳፮ ክሙ : ወከመ : ትርከቡ : ጸጋሁ : ለመንፈስ : ቅዱስ : በእንተዝ : ከመ : ይ  
 ፳፯ ትፈሳሕ : ልብክሙ : እስመ : ኅበርክሙ : አሚነ : ምስሌየ :: ወእፈቅድ :  
 ፳፰ ባሕቱ : ታእምሩ : አኅዌነ : ከመ : ዘልፈ : እፈቅድ : እምጻእ : ኅቤክሙ :  
 ፳፱ ወይሰአነኒ : እስከ : ይእዜ :: ወለእመኒቦ : ከመ : እርከብ : ዕሜትየ : በላዕሌ  
 ፴ ክሙ : ከመ : በላዕሌ : አሕዛብኒ :: ወበላዕሌ : አረሚኒ : ወበላዕሌ : ሐቃል  
 ፴፩ ኒ : ወለጠቢባንኒ : ወለአብዳንኒ :: እስመ : ይደልወኒ : ለኩሉ : ሰብእ : እ  
 ፴፪ ምህር :: ወዓዲ : ፈድፋዶ : እጽሀቅ : ለክሙ : ለእለ : ብሔረ : ሮሜ : እም  
 ፴፫ ሀርክሙ :: እስመ : ኢየኅፍር : ምህር : ወንጌሉ : እስመ : ኅይሉ : ለእግዚ  
 ፴፬ አብሔር : ውእቱ : ዘያሐይዎሙ : ለኩሎሙ : እለ : የአምነ : ቦቱ :: ለአ  
 ፴፭ ይሁዳዊ : ቀዳማዊ : ወለአረማዊኒ :: ወቦቱ : ያስተርኢ : ጽድቅ : እግዚአ

ብሔር : ወርቅዑ :: እስመ : ያጸድቆሙ : ለእለ : የአምኑ : በአሚን :: እስ  
መ : ከማሁ : ይብል : መጽሐፍ : ጻድቅእ : በአሚን : የሐዩ :: ክፍል : ፪ ፤  
ወይመጽእ : መቅሠፍተ : እግዚአብሔር : እምሰማይ : ላዕለ : ነሉ : ሰብ ፲፮ ፤  
እ : ኃጥእ : ወዐማፂ : እለ : ያአምርዋ : ለጽድቅ : ወደመይጥዋ : በዐመፃ  
ሆሙ :: እስመ : አእምሮ : አግዚአብሔር : ክሡት : በኅቡሆሙ :: ወእር ፲፱ ፤  
አዩ : እግዚአብሔር : ላዕሌሆሙ :: ወዘኢያስተርኢ : አግዚአብሔር : እም ፳ ፤  
ፍጥረተ : ዓለም : ይትዐወቅ : በፍጥረቱ : በሐልዮ : ወበአእምሮ :: ወከመ  
ዝ : ይትአመር : ኅይሉ : ወመለኮቱ : ዘለዓለም :: ከመ : ኢይርከቡ : በዘ ፳፩ ፤  
ይትዋሥኡ :: እስመ : እንዘ : ያአምርዎ : ለእግዚአብሔር : አኮ : ከመ : እ  
ግዚአብሔር : ዘአእከዎትዎ : ወሰብሕዎ : ዘእንበለ : ዘሐሰውም : ወረከሱ :  
በሕሊናሆሙ : ወተጸለለ : ልቦሙ : በኢያእምሮ :: ወእንዘ : ይራቅዱ : ይ ፳፪ ፤  
ጥበቡ : አብዱ :: እስመ : ወለጡ : ስብሐቲሁ : ለእግዚአብሔር : ዘኢይመ ፳፫ ፤  
ውት : ወአምሳለ : ርእየተ : ሰብእ : መዋቲ : ረሰዩ : ወከመ : እንስሳ : ወከ  
መ : አራዊት : ወከመ : አሰዋፍ :: ወበእንተዝ : አግብአሙ : ወኅደጎሙ : ፳፬ ፤  
ከመ : ያርከሱ : ርእሶሙ : ለሊሆሙ : ወያኅሰሩ : ነፍስቶሙ :: እስመ : ሐ ፳፭ ፤  
ሰተ : ረሰይዎ : ለጽድቀ : እግዚአብሔር : ወአምለኩ : ወተጸአጽኡ : ተግ  
ባሮ : ወኅደግዎ : ለፈጣሬ : ነሉ : ዘውአቱ : አምላክ : በሩክ : ለዓለመ :  
ዓለም : አሚን :: ክፍል : ፫ ፤ ወበእንተዝ : ወሀቦሙ : እግዚአብሔር : መ ፳፮ ፤  
ቅሠፍተ : እኩዩ : ወአንስቲያሆሙኒ : ኅደጋ : ፍጥረቶን : ወተመሰላ : በዘ  
ኢኮነ : ፍጥረቶን :: ወከማሁ : ዕደዊሆሙኒ : ኅደጉ : አንስቲያሆሙ : ወነ ፳፯ ፤  
ዱ : በፍትወቶሙ : ወገብኡ : በበይናቲሆሙ : ብእሲ : ላዕለ : ብእሲ : ኅሳ  
ሮሙ : ገብሩ :: ወበሕቱ : ይረክቡ : ፍዳሆሙ : ወይገብእ : ጌጋዮሙ : ዲ  
በ : ርእሶሙ :: ወበከመ : ኢሐለይዎ : ለእግዚአብሔር : በልቦሙ : ከማ ፳፰ ፤  
ሁ : እግዚአብሔርኒ : ወሀቦሙ : ልበ : እበድ : ከመ : ይግባሩ : ዘንተ : ዘ  
ኢይደሉ :: እንዘ : እሙንቱ : ጽጉባነ : ነሉ : ዐመፃ : ወእከይ : ወጹግ : ፳፱ ፤  
ወትዕግልት :: ወጽጉባነ : ቅንአት : ሐማምያን : ቀታልያን : ጉሕላውያን :  
መስተመደናን : ዝሁራን : አኩያነ : ልማድ : ወግዕዝ :: ሐማይያን : መስ ፴ ፤  
ተሳልቃን : መስተሐብባን : ዕቡያን : ዝሉሩን : ዐላውያን : ሐሳውያን : ጸ  
ላእያነ : እግዚእ : ሥሑጻን :: አብዳን : ወዝንጉዓን : ወመስተኃሥሣን : ለ ፴፩ ፤  
እከይ : ወአልቦሙ : ምሕረት :: እንዘ : ለሊሆሙ : ያአምሩ : ነኅኔሁ : ለ ፴፪ ፤  
እግዚአብሔር : ከመ : ይደልዎ : ሞት : ለዘገብረ : ዘንተ : ከመዝ : አኮ : በ  
ሕቲቶሙ : ዘይገብርዎ : ዓዲ : ለባዕድኒ : ይዌሕክዎ : ወያገብርዎ ::

ምዕራፍ ፡ ፪ ፤ ክፍል ፡ ፬ ፤

፳ ፡ እንላ ፡ እመሕያው ፡ በምንትኑ ፡ ዘትትዋሥኦ ፡ ለመኩንነ ፡ ጽድቅ ፡  
 ሶበ ፡ አንተ ፡ ዝኹ ፡ ዘትግእዝ ፡ በላዕለ ፡ ባዕድ ። ሶበ ፡ ለሊከ ፡ ትገብሮ ፡ ዝ  
 ፳፡ ኩ ፡ ዘትጸልእ ፡ በላዕለ ፡ በጽኑ ፡ አኮኑ ፡ ርእሰከ ፡ ትግእዝ ፡ እስመ ፡ ለሊ  
 ከ ፡ ትገብሮ ። ናኦምር ፡ ከመ ፡ ጽድቅ ፡ ኩነኑ ፡ ለእግዚአብሔር ፡ ዘያመ  
 ፳፡ ጽእ ፡ መቅሠፍቶሙ ፡ ላዕለ ፡ እለ ፡ ይገብሩ ፡ ዘንተ ፡ ከመዝ ። ሐልዮ ፡ እስ  
 ፳፡ ኩ ፡ እንላ ፡ እመሕያው ፡ ለዝንቱ ፡ ለእመ ፡ ብስ ፡ ኅበ ፡ ታመሥጥ ፡ እምኩ  
 ነኑ ፡ ለእግዚአብሔር ፡ ሶበ ፡ ለሊከ ፡ ትገብሮ ፡ ለዝኩ ፡ ዘትግእዝ ፡ በላዕ  
 ፳፡ ለ ፡ ባዕድ ፡ ወዘትጸልእ ። ወትትሔዘብኑ ፡ ታስተኣብዶ ፡ በብዝኅ ፡ ምሕረ  
 ቱ ፡ ወበትዕግሥቱ ፡ ወበኣሆ ፡ ብሂሎቱ ፡ ላዕሌከ ። ኢታኦምርኑ ፡ ከመ ፡  
 ፳፡ ምሕረቱ ፡ ለእግዚአብሔር ፡ ኪያከ ፡ ያገርር ፡ ኅበ ፡ ንሱኦ ። ወባሕቱ ፡ በኣ  
 ምጣነ ፡ ታጸንዕ ፡ ልበከ ፡ ወኢትኔስሕ ፡ ትዘግብ ፡ ለከ ፡ መቅሠፍተ ፡ ለእ  
 ፳፡ መ ፡ ይበጽሐከ ፡ ኩነኑ ፡ ለእግዚአብሔር ። እስመ ፡ ውእቱ ፡ ይፈደዮ ፡  
 ፳፡ ለኩሉ ፡ በከመ ፡ ምግባሩ ፡ በኩነኔ ፡ ጽድቁ ። ወለእለሰ ፡ ተዐገሡ ፡ በምግ  
 ባር ፡ ሠናይ ፡ ዮኅሥሡ ፡ ክብረ ፡ ወስብሓተ ፡ ውእቱኒ ፡ ይሁቦሙ ፡ ሕይወ  
 ፳፡ ተ ፡ ዘለግለም ። ወለእለሰ ፡ ከሓድያን ፡ ወዐላውያን ፡ ጽድቅ ፡ ወመፍቀርያ  
 ፳፡ ነ ፡ ዐመግ ፡ ፍጻሆሙ ፡ መቅሠፍት ፡ ወመንሱት ። ወቀጥግ ፡ ወገንር ፡ ወም  
 ንጻቤ ፡ ለነፍሰ ፡ ኩሉ ፡ ሰብእ ፡ ዘእኩይ ፡ ምግባሩ ፡ እመኒ ፡ ኣይሁዳዊ ፡ ወ  
 ፳፡ እመኒ ፡ ኣረግዊ ። ክብር ፡ ወስብሓት ፡ ወሰላም ፡ ለኩሉ ፡ ዘሠናይ ፡ ምግባ  
 ፳፡ ፍ ፡ እመኒ ፡ ኣይሁዳዊ ፡ ወእመኒ ፡ ኣረግዊ ። እስመ ፡ ኢያደሉ ፡ እግዚአብ  
 ፳፡ ሔር ፡ ለገጸ ፡ ሰብእ ። ክፍል ፡ ፭ ። እስመ ፡ ኩሎሙ ፡ እለ ፡ ፈድፋዶ ፡ እም  
 ሕግ ፡ ኣበሳሆሙ ፡ ፈድፋዶ ፡ እምሕግ ፡ ኩነኒሆሙ ፡ ወኩሎሙ ፡ እለ ፡ ዘ  
 ፳፡ እንበለ ፡ ሕግ ፡ ኣበሳሆሙ ፡ ዘእንበለ ፡ ሕግ ፡ ኩነኒሆሙ ። ቦኑ ፡ በኣፅምኦ ፡  
 መጻሕፍት ፡ ይጸድቁ ፡ በቅድመ ፡ እግዚአብሔር ፡ አኮኑ ፡ ጻእሙ ፡ በገቢሮ  
 ፳፡ ቱ ፡ ይጸድቁ ። ኣሕዛብኒ ፡ እለ ፡ ኣልቦሙ ፡ ሕግ ፡ ይሠርዑ ፡ ሎሙ ፡ ሕግ ፡  
 ፳፡ ወየሐገጉ ፡ ሎሙ ፡ ለሊሆሙ ፡ ወይገብሩ ፡ ዘበሕጎሙ ። ወያርእይዎ ፡ ገቢ  
 ረ ፡ ሕግ ፡ እንዘ ፡ ጽሑፍ ፡ ውእቱ ፡ ውስተ ፡ ልቦሙ ። ወያርሰሐስሐሙ ፡  
 ልቦሙ ፡ ወይቀልዮሙ ። ወያኦምሩ ፡ ከመ ፡ ኣልቦ ፡ ዘይብሉ ፡ ወዘይወቅ  
 ፳፡ ሡ ። ኣመ ፡ የሐትቶሙ ፡ እግዚአብሔር ፡ ለእንላ ፡ እመሕያው ፡ ዘየኅብ  
 ፳፡ ኡ ፡ ወዘይከብቱ ፡ በከመ ፡ መሀርኩ ፡ በእንተ ፡ ኢየሱስ ፡ ክርስቶስ ። ወሶ  
 በ ፡ አንተ ፡ ኣይሁዳዊ ፡ ዘታዐርፍ ፡ በኦሪትከ ፡ ወትትሚካሕ ፡ በእግዚአብ  
 ፳፡ ሔር ። ወታኦምር ፡ ፈቃዶ ። ወትፈልጥ ፡ ዘይኔይስ ፡ ወምሁር ፡ አንተ ፡

አሪተ ። ወትትአመን ፡ በርእሰክ ፡ ከመ ፡ አንተ ፡ መርሐሙ ፡ ለዕዉራን ፡ ፲፱ ፡  
 ወብርሃኖሙ ፡ ለእለ ፡ ውስተ ፡ ጽልመት ። ወመጥበቢሆሙ ፡ ለአብዳን ፡ ወ ፳ ፡  
 መምህሮሙ ፡ ለሕፃናት ፡ ወትትሜሰል ፡ ጻድቅ ፡ ወታአምር ፡ ሕገ ፡ አሪት ፡  
 በዘትጻድቅ ። ወእርኑ ፡ እንከ ፡ ዘኢትሜህር ፡ ርእሰክ ፡ ዘለባዕድ ፡ ትሜህ ፳፩ ፡  
 ር ። ኢትስርቁ ፡ ትብል ፡ ወለሊክ ፡ ትሰርቅ ። ኢትዘምዉ ፡ ትብል ፡ ወለ ፳፪ ፡  
 ሊክ ፡ ትዜሙ ፡ ወተሐውር ፡ ኅበ ፡ ብእሲተ ፡ ብእሲ ። ወታስቄርር ፡ ጣዖ ፳፫ ፡  
 ተ ፡ ወለሊክ ፡ ትሰርቅ ፡ ቤተ ፡ መቅደስ ። ወትትሜካሕ ፡ በአሪት ፡ ወለሊ ፳፬ ፡  
 ክ ፡ ዐላዊሃ ፡ ለአሪት ፡ ወታስተሐቅሮ ፡ ለእግዚአብሔር ። ወናሁ ፡ በእንቲ ፳፭ ፡  
 አክሙ ፡ ይፀርፉ ፡ አሕዛብ ፡ ላዕለ ፡ ስመ ፡ እግዚአብሔር ፡ በከመ ፡ ጽሑ ፳፮ ፡  
 ፍ ። ግዝረትሰ ፡ ትበቀዕከ ፡ ለእመ ፡ ገበርከ ፡ ሕገገ ፡ አሪት ፡ ወእመሰ ፡ ኢ ፳፯ ፡  
 ገበርከ ፡ ሕገገ ፡ አሪት ፡ ግዝረትከ ፡ ቀላፈተ ፡ ትከውንከ ። ወለእመሰ ፡ እ ፳፰ ፡  
 ንዘ ፡ ቁላፍ ፡ አንተ ፡ ወዐቀብከ ፡ ሕገገ ፡ አሪት ፡ ቀላፈትከ ፡ ግዝረተ ፡ ት ፳፱ ፡  
 ከውንከ ። ወይሄይሰክ ፡ ቀላፈትከ ፡ ትንበር ፡ አንተ ፡ ተፈጥረት ፡ ምስሌ ፴ ፡  
 ከ ፡ እምትትገዘር ፡ ወትዕሉ ፡ ሕገ ፡ አሪት ፡ ወይሄይሰክ ፡ እምኔከ ፡ እምግ ፴፩ ፡  
 ዙር ፡ ዘተዐሉ ፡ ሕገ ፡ አሪት ፡ ገዘኩ ፡ ቁላፍ ፡ ዘይገብር ፡ ሕገ ፡ አሪት ። ቦኑ ፡ ፴፪ ፡  
 ለዐይነ ፡ ሰብእ ፡ ይትየሀዱ ፡ ወቦኑ ፡ ለአድልዎ ፡ ይትገዘሩ ። አኮኑ ፡ በክዱ ፴፫ ፡  
 ን ፡ ይትየሀዱ ፡ ወግዝረትሰ ፡ ግዝረተ ፡ ጽላሌ ፡ ልብ ፡ በመንፈስ ፡ ወእኮ ፡  
 በትምህርተ ፡ መጽሐፍ ። ከመ ፡ ትትአኩት ፡ በኅበ ፡ እግዚአብሔር ፡ እም ፴፬ ፡  
 ትትአኩት ፡ በኅበ ፡ እግላ ፡ እመሕያው ። ፴፭ ፡

ምዕራፍ ፡ ፫ ፡ ክፍል ፡ ፮ ፡

ምንትኑ ፡ እንከ ፡ ረባሐ ፡ ለተይሀዶ ፡ ወምንትኑ ፡ ሥላጤሃ ፡ ለግዝረ ፩ ፡  
 ት ። ብዙኅ ፡ በኩሉ ፡ ምግባር ። ቅድመ ፡ ውእቱ ፡ ተአምኖ ፡ በቃለ ፡ እግ ፪ ፡  
 ዚአብሔር ። ወእመኒቦ ፡ እለ ፡ ኢየአምኑ ፡ ኢአሚነ ፡ ዚአሆሙኑ ፡ ይክል ፫ ፡  
 እ ፡ ባዕደ ፡ ከመ ፡ ኢይእመኑ ፡ በእግዚአብሔር ። ሓሰ ። እስመ ፡ እግዚአ ፬ ፡  
 ብሔር ፡ ጻድቅ ፡ ወኩሉ ፡ ሰብእ ፡ ሐሳዊ ፡ እስመ ፡ ከመዝ ፡ ይብል ፡ መጽ ፭ ፡  
 ሐፍ ፡ ከመ ፡ ትጽድቅ ፡ በነቢብከ ፡ ወትማእ ፡ በኩንኔከ ። ወእመሰ ፡ በዐመ ፮ ፡  
 ፃ ፡ ዚአየኑ ፡ ይቀውም ፡ ጽድቅ ፡ እግዚአብሔር ፡ ምንተ ፡ እንከ ፡ ንብል ። ፯ ፡  
 ይዲምፅኑ ፡ እግዚአብሔር ፡ ሶበ ፡ ያመጽእ ፡ መቅሠፍተ ፡ ላዕለ ፡ ሰብእ ። ፲ ፡  
 ሓሰ ። ወዘኒ ፡ እነብብ ፡ ሕገ ፡ ሰብእ ። ወእርኑመ ፡ እንከ ፡ ይኳንን ፡ እግዚ ፳ ፡  
 አብሔር ፡ ዓለመ ። ወእመሰ ፡ ጽድቅ ፡ ውእቱ ፡ ቃለ ፡ እግዚአብሔር ፡ ወ ፳፩ ፡  
 በሐሰተ ፡ ዚአየ ፡ ተዐውቀ ፡ ዕበዩ ፡ ወስብሓቲሁ ፡ ለምንት ፡ እንከ ፡ ይኳን

፩፤ ነኒ : ከመ : ኃጥእ :: ቦኑ : አንጋ : ንሕነ : ዘከመ : ይፀርፉ : ላዕሌነ አለ : ይ  
፪፤ ፀርፉ : ወይትሔዘቡነ : ከመ : ንሕነ : ንብል : ንግበር : እኩዩ : ከመ : ንርከ  
፫፤ ብ : ሠናዩ :: ወሎሙሰ : ጽኑሕ : ደይኖሙ :: ምንተ : እንከ : ንብል :: ና  
፬፤ ሁ : ወዳእነ : ግእዝናሆሙ : ለአይሁዳዊ : ወለአረግዊ : እስመ : ኩሎሙ :  
፭፤ ሰሕቱ :: በከመ : ይብል : መጽሐፍ :: አልፀ : ጸድቅ :: ወአልፀ : ጠቢብ :  
፮፤ ወአልፀ : ዘዩኅሥሥ : ለእግዚአብሔር :: ኩሎ : ዐረዩ : ወኅቡረ : ዐለወ ::  
፯፤ አልፀ : ዘይገብራ : ለሠናይት : አልፀ : ወኢአሐዳ :: ከመ : መቃብር : ክ  
፲፬፤ ሠት : ጎራዒቶሙ : ወጸልሐዉ : በልሳናቲሆሙ :: ሕምዘ : አርዌ : ምድ  
፲፮፤ ር : ታሕተ : ከናፍሪሆሙ :: መሪር : አፉሆሙ : ወምሉእ : መርገመ :: በ  
፲፯፤ ሊሕ : እገሪሆሙ : ለከዒዉ : ደም :: ኅዛር : ወቅጥቃጤ : ውስተ : ፍኖቶ  
፲፰፤ ሙ :: ወኢያአምርዎ : ለፍኖተ : ሰላም :: ወአልፀ : ፍርሃተ : እግዚአብሔ  
፲፱፤ ር : ቅድመ : አዕይንቲሆሙ :: ናአምር : ከመ : ኩሎ : ዘይብል : ኦሪት : ለ  
፳፤ አለ : ውስተ : ኦሪት : ይቤሎሙ : ከመ : ይትፈፀም : ኩሎ : አፍ : ወይኩ  
፳፩፤ ን : ግሩረ : ኩሎ : ዓለም : ለእግዚአብሔር :: እስመ : ኢይጸድቅ : ኩሎ :  
፳፪፤ ዘነፍስ : በገቢረ : ሕገገ : ኦሪት : በቅድመ : እግዚአብሔር :: እስመ : እም  
፳፫፤ ኦሪት : ተዐውቀት : ኃጢአት :: ይእዜሰኬ : አስተርአየት : ጽድቀ : እግዚ  
፳፬፤ አብሔር : እንዘ : ኢይትገበር : ሕገገ : ኦሪት :: ኦሪት : ወነበያት : ኮንም :  
፳፭፤ ሰማዕተ : ከመ : በአሚን : በኢየሱስ : ክርስቶስ : ይጸድቁ : በኅበ : እግዚ  
፳፮፤ አብሔር : ኩሎሙ : እለ : የአምኑ : ቦተ :: ወኢፈለጠ : ወኢሌለየ :: እስ  
፳፯፤ መ : ኩሎሙ : አበሱ : ወጌገዩ : ወኅደጉ : ስብሐተ : እግዚአብሔር :: ወ  
፳፰፤ ጽድቅሰ : በከንቱ : ኮነ : በጸጋ : ዚአሁ : ረከቡ : ሕይወተ : በኢየሱስ : ክ  
፳፱፤ ርስቶስ :: እስመ : ወድአ : እግዚአብሔር : ወገብሮ : ስርየተ : ለአሚን :  
፴፩፤ በደሙ : ከመ : ያርኢ : ጽድቆ : በላዕለ : እለ : አበሱ : እምትካት :: በትዕ  
፴፪፤ ግሥቱ : ለእግዚአብሔር : ወበአሆ : ብሂሎቱ :: ከመ : ያእምርዎ : ዮም :  
፴፫፤ ከመ : ጸድቅ : ውእቱ : ወያጸድቆሙ : ለእለ : የአምኑ : በአሚን : በኢየ  
፴፬፤ ሱስ :: በምንትነ : እንከ : ይትጫክሑ : ወበአይኑ : ሕግ : ይገብሩ :: አል  
፴፭፤ ቦ : በዕድ : ሕግ : ዘእንበለ : በአሚን :: እስመ : ረከብነ : ከመ : ይጸድቅ :  
፴፮፤ ሰብእ : በአሚን : እንዘ : ኢይገብር : ሕገገ : ኦሪት :: ቦኑ : ለባሕቲቶሙ :  
፴፯፤ ለአይሁድ : እግዚአብሔር :: አኮኑ : ለአሕዛብኒ :: ወለአሕዛብኒ :: እስመ :  
፴፰፤ አሐዳ : ውእቱ : እግዚአብሔር : ዘያጸድቆ : ለግዙር : በአሚን :: ወለዘ  
፴፱፤ ሂ : ቁላፍ : በአሚን : ዳእሙ : ያጸድቆ :: ሰፀርናሁ : እንከ : ሕገገ : ኦሪት :  
፵፩፤ በእንተ : አሚን :: ሓሰ :: አከ : ዘንስዕር : ሕገ : አላ : ንሠርዕ ::

ምዕራፍ : ፱ ፤ ክፍል : ፯ ፤

ምንተ : እንከ : ንብል : በእንተ : አብርሃም : አቡሆሙ : ለቀደምት = ፩ ፤  
 ረከበኑ : ዘንተ : በምግባረ : ሥጋ = ሶበሰኬ : አብርሃም : በምግባሩ : ጸድ ፮ ፤  
 ቀ : እምኮኖ : ምዝጋኖ : ወእኮ : ለመንገል : እግዚአብሔር = ወእፎኑመ : ፫ ፤  
 ዘይብል : መጽሐፍ : አምነ : አብርሃም : በእግዚአብሔር : ወኮኖ : ጸድቀ =  
 ወዘሰ : ተቀንዩ : ኢይከውኖ : ዐስበ : ከመ : ዘጸገውዎ : አላ : ከመ : ዘይደ ፬ ፤  
 ልዎ = ወዘሰ : ኢተቀንዩ : ለእመ : ተአምነ : በዘያጸድቆ : ለኃጥእ : ይትኃ ፭ ፤  
 ለቆ : ጸድቀ : አሚኖቱ = በከመ : ነገረ : ዳዊት : በዘያበፅዕ : ሰብእ : ወበዘ ፮ ፤  
 ሂ : ይትኃለቆ : ጸድቀ : በኃበ : እግዚአብሔር : እንዘ : ኢይገብር : ሕገገ :  
 ኦሪት = ወይቤ = ብፁዓን : ለእለ : ተኃድገ : ሎሙ : ኃጢአቶሙ = ወብ ፺፫ ፤  
 ፀፅ : ብእሲ : ዘኢኅጦለቄ : ሎቱ : እግዚአብሔር : ጌጋዮ = ምንተ : እንከ : ፱ ፤  
 ገቢሮሙ : ያበፅፀ : ዘተገዝረኑ : ዳእመ : ያበፅፅ : ወቁላኖሰ : አልቦኑ : ኖ  
 ኖት : ኃበ : ያበፅፅ = አኮኑ : ይቤ : መጽሐፍ : ጸድቀ : አብርሃም : ወአብፅ  
 ዐ = ወማእዜኑ : ጸድቀ : አብርሃም = ተገዚሮኑ : ወሚመ : ዘእንበለ : ይት ፲ ፤  
 ገዘር = አኮኬ : ተገዚሮ : አላ : ዘእንበለ : ይትገዘር = ወግዝረትሰ : ማዕተ ፲፩ ፤  
 በ : ጸድቆ : ትኩኖ : ወሀቦ : ኪያሃ : ወትእምርተ : ከመ : ይትዐወቅ : በላፅ  
 ሌሁ : ከመ : በአሚን : አጽደቆ : እግዚአብሔር : ለአብርሃም : እንዘ : ኢ  
 ኮነ : ግዙረ : ውእተ : ዕለተ = ከመ : ይኩን : ውእቱ : አብሆሙ : ለኩሎ  
 ሙ : ለእለ : የአምኑ : ዘእንበለ : ይትገዘሩ : ከመ : ያእምሩ : ከመ : በአሚ  
 ን : ይጸድቁ : እሙንቱሂ : ከመ : ጸድቀ : አብርሃም : በአሚን = ወከመ : ፲፪ ፤  
 ይኩን : አብሆሙ : ለግዙራን : ወአኮ : ለግዙራን : ለባሕቲቶሙ = ወለእለ  
 ሂ : ዓዲ : ይተልጪ : አሰረ : ሃይማኖት : ለአቡነ : አብርሃም : እንዘ : ኢኮ  
 ኑ : ግዙራን : በከመ : ውእቱ : አቡነ : አብርሃም : አምነ : እንዘ : ቁላኖ :  
 ውእቱ = ወአኮ : በእንተ : ሕገገ : ኦሪት : ዘረከበ : ተስፋ : አብርሃም : ወ ፲፫ ፤  
 ዘርዑ : ከመ : ይረስ : ዓለመ = አላ : ዳእመ : ዘረከበ : ዘንተ : በጸድቀ : ሃ  
 ይማኖቱ : በቃለ : እግዚአብሔር : ወአሚን : ቦቱ = ሶበሰኬ : ዘንብረ : ዳ ፲፬ ፤  
 እሙ : ሕገገ : ኦሪት : ይነሥእ : ተስፋ : ወይወርስ : ዓለመ : እምኢበቅዶ :  
 ለአብርሃም : አሚኖቱ : ወእመሂ : ኢረከበ : ተስፋሁ = እስመ : ሕገገ : ኦ ፲፭ ፤  
 ሪት : መቅሠኖተ : ያመጽእ : ዲበ : ዘዐለወ : ውኅበ : አልቦ : ኦሪት : አል  
 ቦ : አበሳ = ወበእንተዝ : በአሚን : ረሰዩ : እግዚአብሔር : ጸዲቀ : ከመ : ፲፮ ፤  
 ይኩን : እሙነ : ዘአሰፈዎ : እግዚአብሔር : ለአብርሃም : ወለዘርዑ : ከመ :  
 ያእምሩ : ከመ : አኮ : በገቢረ : ሕገገ : ኦሪት : ዘይጸድቁ : ዘእንበለ : ዳእ

፲፯ : መ : በአሚን :: በከመ : አምነ : አብርሃም : አበ : ኩልነ :: ዘይቤሎ : እግ  
 ዚአብሔር : እሬስየክ : አባሆሙ : ለብዙኃን : አሕዛብ :: እለ : የአምኑ :  
 በእግዚአብሔር : ዘያነሥአሙ : ለምወታን : ወይሬስየሙ : ለእለ : ኢሀ  
 ፲፰ : ለወ : ከመ : ዘሀለዉ :: ወተአመነ : አብርሃም : ከመ : ያከውን : አባሆ  
 ሙ : ለብዙኃን : አሕዛብ : ከመ : አሰፈዎ : እግዚአብሔር : ወይቤሎ : ከ  
 ፲፱ : ማሁ : ያከውን : ዘርዕኩ :: ወተአመነ : አብርሃም : ወኢናፈቀ : እንዘ : ይ  
 ሬኢ : ርእሶ : ከመ : ልሂቅ : ወከመ : ነፍስተ : በድን : ሥጋሁ : እስመ : ም  
 ፳ : እት : ክረምቱ :: ወሳራሂ : ከመ : ምውት : ይእቲ : ማሕፀና :: ወኢናፈቀ :  
 ፳፩ : ወኢቀብጻ : በዘአሰፈዎ : እግዚአብሔር :: ወተአመነ : በኩሉ : ልቡ : ከ  
 ፳፪ : መ : ይክል : ገቢረ : ሎቱ : እግዚአብሔር : ወአእኩቶ : ወእንበይነዝ :  
 ፳፫ : ጽድቁ : ኮኖ :: ወአኮ : እንበይነ : ባሕቲቱ : ዘተጽሕፈ : ዝንቱ : አኮኑ :  
 ፳፬ : በእንቲአነሂ : እለ : አመነ : በዘአንሥኦ : ለእግዚእነ : እምወታን :: ዘ  
 ፳፭ : ተሰቅለ : በእንተ : ኃጢአትነ : ወተንሥኦ : ከመ : ያጽድቀነ ::

ምዕራፍ : ፭ :

፩ : ጽድቁ : እንከ : በአሚን : ወንርከብ : ሰላመ : በኅብ : እግዚአብሔር :  
 ፪ : በእግዚእነ : ኢየሱስ : ክርስቶስ :: ዘበእንቲአሁ : ተመራሕነ : በሃይማኖ  
 ት : ውስተ : ዛቲ : ጸጋሁ : እንተ : ባቲ : ቆምነ : ወውእቱ : ምክሕነ : ወበ  
 ፫ : ቲ : ንሴፎ : ስብሓተ : እግዚአብሔር :: ወአኮ : በባሕቲታ : ዓዲ : ንትሜ  
 ካሕ : በሕማምነሂ : እስመ : ናአምር : ከመ : ሕማም : ይፈጽም : ትዕግሥ  
 ፬ : ት : ላዕሌነ : ወትዕግሥት : መከራ :: ወበመከራ : ይትረከብ : ተስፋ :: ወተ  
 ፭ : ስፋኒ : ኢያስተኅፍር : እስመ : ፍቅረ : እግዚአብሔር : መልእ : ውስተ :  
 ፮ : ልብነ : በመንፈስ : ቅዱስ : ዘወሀበነ :: ክርስቶስኒ : መጽእ : በዕድሜሁ :  
 ፯ : ይሙት : በእንተ : ኃጢአትነ : እንዘ : ኃጥአን : ንሕነ : እንበይነ : ጸድቅ  
 ሰ : እምዕፁብ : ጥቀ : ኢይትረከብ : ዘይትሀበል : ይሙት : ወእንበይነ : ሄ  
 ፲ : ራንሰ : እንጻሂ : እንጋ : ለእመ : ቦኑ : ይትረከብ : ዘያጠብዕ : ይሙት :: ና  
 ፳ : ሁ : ርእዩ : መጠነ : አፍቀረነ : እግዚአብሔር :: እንዘ : ኃጥአን : ንሕነ : ክ  
 ፳፩ : ርስቶስ : ሞተ : በእንቲአነ :: እፎ : እንከ : ፈድፋደ : ለእመ : ጸደቅነ : በደ  
 ፳፪ : ሙ : ወያድኅነነ : እመንሱት : ዘይመጽእ :: ወሶበ : እንዘ : ፀሩ : ንሕነ : ለ  
 ፳፫ : እግዚአብሔር : ተሳሀለነ : በሞተ : ወልዱ :: እፎ : እንከ : ይሳሀለነ : ፈድ  
 ፳፬ : ፋደ : እምከመ : ተዐረቀነ : ወያሐይወነ : በሕይወተ : ወልዱ :: አኮ : በእ  
 ፳፭ : ንተ : ዝንቱ : ባሕቲቱ : ዓዲ : ንትሜካሕ : በኅብ : እግዚአብሔር : በእን

ተ : እግዚአብሔር ሲኖሱስ ፡ ክርስቶስ ፡ ዘበእንተአሁ ፡ ረከብነ ፡ ሣህሎ ። ወበ ፲፪ ፤  
እንተዝ ፡ በከመ ፡ በጌጋዩ ፡ አሐዳ ፡ ብእሲ ፡ ቦአት ፡ ኃጢአት ፡ ውስተ ፡ ዓ  
ለም ፡ ወበእንተ ፡ ይእቲ ፡ ኃጢአት ፡ መጽአ ፡ ሞት ፡ ላዕለ ፡ ነሉ ፡ ሰብእ ።  
ወተኅብላቂት ፡ ኃጢአት ፡ ላዕለ ፡ ነሉ ። እስከ ፡ አመ ፡ መጽአት ፡ ኦሪት ፡ ፲፫ ፤  
ሀለወት ፡ ኃጢአት ፡ ውስተ ፡ ዓለም ፡ እንዘ ፡ ኢትትዐወቅ ፡ ምንት ፡ ይእቲ ፡  
እስመ ፡ ኢትትኃለቀ ፡ ኃጢአት ፡ እስመ ፡ ዓዲሁ ፡ ኢመጽአ ፡ ውእተ ፡ አ  
ሚረ ፡ ሕገገ ፡ ኦሪት ። ወባሕቱ ፡ ከነኖሙ ፡ ዳእመ ፡ ሞት ፡ እምአዳም ፡ እ ፲፬ ፤  
ስከ ፡ ሙሴ ፡ ለእለሂ ፡ አቡሱ ፡ ወለእለሂ ፡ ኢአቡሱ ፡ በእንተ ፡ ይእቲ ፡ ኃጢ  
አቱ ፡ ለአዳም ፡ እስመ ፡ ነሉ ፡ በአምሳለ ፡ አዳም ፡ ተፈጥረ ። እስመ ፡ አ  
ዳም ፡ አምሳሉ ፡ ውእቱ ፡ ለዘሀለዎ ፡ ይምጸእ ። ወባሕቱ ፡ አኮ ፡ በአምጣነ ፡ ፲፭ ፤  
ጌጋይነ ፡ ዘኮነነ ፡ ሐሳበ ፡ ጸጋሁ ፡ ለእግዚአብሔር ። ወሶበ ፡ በጌጋዩ ፡ አሐ  
ዳ ፡ ብእሲ ፡ ሞቱ ፡ ብዙኃን ፡ እፎ ፡ እንከ ፡ ፈድፋድ ፡ በጸጋሁ ፡ ለእግዚአብ  
ሔር ፡ ወበሀብቱ ፡ ዘጸገወነ ፡ በእንተ ፡ አሐዳ ፡ ብእሲ ፡ ዘውእቱ ፡ ኢኖሱስ ፡  
ክርስቶስ ፡ ይፈደፍድ ፡ ሕይወት ፡ ላዕለ ፡ ብዙኃን ። ወአኮ ፡ በአምጣነ ፡ ኃ ፲፮ ፤  
ጢአቱ ፡ ለአሐዳ ፡ ብእሲ ፡ ዘኮነነ ፡ ሐሳበ ፡ ጸጋሁ ፡ ለእግዚአብሔር ። ወሶ  
በ ፡ ነኮነ ፡ ኃጢአት ፡ እምላዕለ ፡ አሐዳ ፡ ብእሲ ፡ ወጊኦ ፡ ነሉ ፡ ተዐቅፈ ፡  
ባቲ ፡ እፎ ፡ እንከ ፡ ፈድፋድ ፡ ያነጽሐነ ፡ ጸጋሁ ፡ እምጌጋይነ ፡ ወይሁብነ ፡  
ሕይወተ ፡ ዘለዓለም ። ወሶበ ፡ ኃጢአቱ ፡ ለአሐዳ ፡ ብእሲ ፡ አንገሠቶ ፡ ለ ፲፯ ፤  
ሞት ፡ ወበአበሳ ፡ አሐዳ ፡ ብእሲ ፡ ቀነየነ ፡ ሞት ፡ እፎ ፡ እንከ ፡ ጸጋሁ ፡ ለ  
አሐዳ ፡ ብእሲ ፡ ኢኖሱስ ፡ ክርስቶስ ፡ ወሀብቱ ፡ ያጸድቀነ ፡ ወያነግሥ ፡ ለ  
ነ ፡ ለሕይወት ፡ ዘለዓለም ። ወበከመ ፡ በጌጋዩ ፡ አሐዳ ፡ ብእሲ ፡ ተከኮነነ ፡ ፲፰ ፤  
ነሉ ፡ ዓለም ፡ ከማሁ ፡ ካዕበ ፡ በጽድቀ ፡ አሐዳ ፡ ብእሲ ፡ ይጸድቅ ፡ ነሉ ፡  
እንለ ፡ እመሕያው ። ወበከመ ፡ በእንተ ፡ ዐሊወ ፡ አሐዳ ፡ ብእሲ ፡ ብዙኃ ፲፱ ፤  
ን ፡ ኮኑ ፡ ኃጥአነ ፡ ከማሁ ፡ ካዕበ ፡ በተአገዙቱ ፡ ለአሐዳ ፡ ብእሲ ፡ ብዙኃን ፡  
ኮኑ ፡ ጸድቃነ ። ኦሪትሰኬ ፡ ለምክንያት ፡ መጽአት ፡ ወተበውአት ፡ ከመ ፡ ፳ ፤  
ታብዝኃ ፡ ለኃጢአት ፡ ውኅበ ፡ በዝነት ፡ ኃጢአት ፡ ፈድፈደት ፡ ጸጋሁ ፡  
ለእግዚአብሔር ። ወበከመ ፡ አንገሠቶ ፡ ኃጢአት ፡ ለሞት ፡ ከማሁ ፡ ታነ ፳፩ ፤  
ግሦ ፡ ለጽድቅ ፡ ጸጋሁ ፡ ለእግዚአብሔር ፡ ውስተ ፡ ሕይወት ፡ ዘለዓለም ፡  
በእግዚአብሔር ፡ ኢኖሱስ ፡ ክርስቶስ ።

ምዕራፍ : ፯ ፤

ምንተ ፡ እንከ ፡ ንብል ፡ ንግበርኑ ፡ ኃጢአተ ፡ ከመ ፡ ይፈደፍድ ፡ ጸ ፳ ፤  
ጋሁ ፡ ለእግዚአብሔር ። ሓሰ ። አኮኑ ፡ ወዳእነ ፡ ሞትነ ፡ እምኃጢአትነ ፡ ፳ ፤



፫ ፣ ለፎ : እንከ : ንክል : ሐይወ : ባቲ :: ወዘንተ : ባሕቱ : አእምሩ : ነፍሱ :  
 ስሙ : ከመ : እለ : ተጠመቅን : በእግዚእነ : ኢየሱስ : ክርስቶስ : ውስተ :  
 ፬ ፣ ሞቱ : ተጠመቅን :: ወተቀበርን : ምስሌሁ : ውስተ : ጥምቀት : በሞቱ : ከ  
 መ : በከመ : ውእቱ : ክርስቶስ : ተንሥኦ : እምውታን : በስብሐተ : አቡ  
 ፭ ፣ ሁ : ከግሁ : ንሕነኒ : ናንሶሱ : ውስተ : ሐዳስ : ሕይወት :: ወእመሰኬ :  
 ፮ ፣ ተመሰልናሁ : በሞቱ : ንትሚሰሎ : በሕይወቱሂ :: ወዘንተ : ባሕቱ : አእ  
 ምሩ : ከመ : ብሉይ : ብእሲነ : ውእቱ : ዘተሰቅለ : ምስሌሁ : ከመ : ይስፀ  
 ፮ ፣ ሮ : ለነፍስተ : ኃጢአት : ወኢይገብእ : ዳግመ : ይትቀንይ : ለኃጢአት :: እ  
 ፭ ፣ ስመ : ዘሞተሰ : ድኅነ : እምገቢረ : ኃጢአት :: ወእምከመሰ : ሞትነ : ም  
 ፱ ፣ ስሌሁ : ለክርስቶስ : ንትአመን : ከመሂ : ነሐዩ : ምስሌሁ :: ታአምሩ : ከ  
 መ : ተንሥኦ : ክርስቶስ : እምውታን : ወኢይመውት : እንከ : ዳግመ : ወ  
 ፲ ፣ ኢይረከቦ : እንከ : ሞት :: ወዘኒ : ዘሞተ : ምዕረ : ሞተ : ወበሞቱ : ሰዕራ :  
 ፲፩ ፣ ለኃጢአት :: ወዘኒ : ዘሐይወ : ለእግዚአብሔር : ሐይወ :: ወከግሁ : አን  
 ትሙሂ : ረስዩ : ርእሰክሙ : ምውታን : ለኃጢአት : ወሕያዋን : ኩኑ : ለፈ  
 ቃደ : እግዚአብሔር : በእንተ : እግዚእነ : ኢየሱስ : ክርስቶስ :: ክፍል : ፰ ::  
 ፲፪ ፣ ወኢታንግሥቶ : ለኃጢአት : ላዕለ : ዝንቱ : ሥጋክሙ : ወነፍስትክሙ :  
 ፲፫ ፣ መዋቲ : ወኢትበልዎ : ኦሆ : ለፍትወቱ :: ወኢትረስይዎ : ለነፍስትክ  
 ሙ : ንዋዩ : ሐቅል : ለዐመፃ : ወለኃጢአት :: አላ : ረስዩ : ርእሰክሙ : ለ  
 እግዚአብሔር : ከመ : ዘተንሥኦ : እምውታን : ወለነፍስትክሙ : ለእግዚ  
 ፲፬ ፣ አብሔር : ንዋዩ : ሐቅል : ለጽድቅ :: ወኃጢአትሰ : ኢትኪንነክሙ : እን  
 ከ : እስመ : ወፃእክሙ : እምገቢረ : ሕገገ : ኦሪት : ወገባእክሙ : ውስተ :  
 ፲፭ ፣ ጸጋ : እግዚአብሔር :: ክፍል : ፱ :: ምንተ : እንከ : ንብል : ንግባርኑ : ኃጢ  
 አተ : እስመ : ወፃእነ : እምገቢረ : ሕገገ : ኦሪት : ወገባእነ : ውስተ : ጸጋ :  
 ፲፮ ፣ እግዚአብሔር :: ሐሰ :: ወኢታአምሩኑ : ከመ : ለዘተአዘዝክሙ : ወለዘ  
 ሂ : ኦሆ : ትቤሉ : አግብርቲሁ : አንትሙ :: ወውስተ : ዘኅበርክሙ : ሎ  
 ቱ : አቅንይክሙ : ርእሰክሙ :: እመሂ : ለኃጢአት : ኦሆ : ትብልዋ : ወኅ  
 በርክሙ : ተአብሱ : አግብርቲሁ : አንትሙ : ትከውኑ : ለሞት :: ወእመ  
 ሂ : ለጽድቅ : ኦሆ : ትብልዋ : ወኅበርክሙ : ውስተ : ሠናይ : አግብርተ :  
 ፲፯ ፣ እግዚአብሔር : አንትሙ :: እኩት : እግዚአብሔር : እንዘ : አግብርተ :  
 ኃጢአት : አንትሙ : ተአዘዝክሙ : በኩሉ : ልብክሙ : ለዘተውሀበ : ለ  
 ፲፰ ፣ ክሙ : አርአያሁ : በዘትትመሀሩ :: ወይእዜሰ : ተግዕዝክሙ : እምኃጢአ  
 ፲፱ ፣ ት : ወተቀንይክሙ : ለጽድቅ :: ሕገ : ሰብእ : እብለክሙ : እስመ : ድኩ  
 ም : ነፍስትክሙ :: ዑቁ : በከመ : ቀዲሙ : አቅንይክሙ : ርእሰክሙ : ለ

ኃጢአት : ወለርኩስ : ወለጣዖት : ከግሁ : ይእዜኒ : አቅንዩ : ነፍስተክ  
 ሙ : ለጽድቅ : ወለቅድሳት = እስመ : አመ : ተቀንይክሙ : ለኃጢአት : ፳ ፤  
 ግዑዛነ : ኮንክሙ : እምጽድቅ :: ወበውእቱ : ፍሬክሙ : ዘአሜሁ : ናሁ ፳፮ ፤  
 ይእዜ : ትትኅፈሩ : ቦቱ : እስመ : ድኅሬሁ : ሎቱ : ሞት :: ወይእዜሰ : ተ ፳፱ ፤  
 ግዕዝክሙ : እምኃጢአት : ወአቅንይክሙ : ርእሰክሙ : ለጽድቅ :: ወፈረ ፳፻ ፤  
 ይክሙ : ለቅድሳት : ወግኅለቅቱሰ : ለሕይወት : ዘለዓለም :: እስመ : ተግ ፳፻፲ ፤  
 ባራሰ : ለኃጢአት : ወረባሐ : ዚአሃ : ሞት : ወጸጋ : እግዚአብሔርሰ : ሕ ፳፻፲፩ ፤  
 ይወት : ዘለዓለም : በእግዚእነ : ኢየሱስ : ክርስቶስ ::

ምዕራፍ : ፯ ፤ ክፍል : ፲ ፤

ኢታአምሩኑ : አኃዊነ : ሕገ : ንነግረክሙ : ትለብዉ : እስመ : ሕገ : ፩ ፤  
 ኦሪት : ይቀንዮ : ለሰብእ : አምጣነ : ሕያው : ውእቱ :: ከመ : ብእሲት : እ ፪ ፤  
 ምክመ : ባቲ : ብእሲ : አምጣነ : ሕያው : ሀሎ : ብእሲሃ : እሥርት : ይእ ፫ ፤  
 ቲ : በሕግ : ወእምክመሰ : ሞተ : ምታ : ተስዕረት : እምሕገ : ብእሲሃ :: ፬ ፤  
 ወእመሰ : እንዘ : ሕያው : ብእሲሃ : ቀርበት : ካልአ : ብእሴ : ዝሙተ : ይ ፭ ፤  
 ከውና :: ወለእመሰ : ሞተ : ምታ : ተስዕረት : እምሕግ : ወኢትከውን : ዘ ፮ ፤  
 ግዊተ : ለእመ : ኮነት : ለካልአ : ብእሲ :: ወይእዜኒ : አኃዊነ : ሞትክሙ : ፯ ፤  
 እምኦሪት : በእንተ : ሥጋሁ : ለክርስቶስ : ከመ : ትኩኑ : ለዳግም : ዘተን ፰ ፤  
 ሥአ : እምውታን : ከመ : ትፍረዩ : ለእግዚአብሔር :: ወእመሰ : በሕገ : ፳ ፤  
 ሰብእ : ንገብር : ጸንዐ : ላዕሌነ : መቅሠፍት : በስኢነ : ሕገገ : ኦሪት : ወፊ ፳፩ ፤  
 ረይነ : ለሞት :: ወይእዜሰ : ተስዕርነ : እምኦሪት : ወኅደግነ : ዘቀዲሙ : ፳፪ ፤  
 ትምህርተነ : ከመ : ንትቀንይ : በሕገ : መንፈስ : ወአኮ : በብሉይ : መጽሐ ፳፫ ፤  
 ፍ :: ክፍል : ፲፩ :: ምንተ : እንከ : ንብል : ኃጢአትኑ : ይእቲ : ኦሪት :: ሓ ፳፬ ፤  
 ሰ :: ወባሕቱ : እምኢያእመርክምዋ : ለኃጢአት : ሶበ : ኢመጽአት : ኦሪ ፳፭ ፤  
 ት : ወለፍትወትኒ : እምኢያእመርክምዋ : ግሙራ : ሶበ : ኢትቤ : ኦሪት : ፳፮ ፤  
 ኢትፍትው :: ወምክንያተ : ኮነታ : ይእቲ : ትእዛዝ : ለኃጢአት : ወአም ፳፯ ፤  
 ጽአት : ላዕሌየ : ከሎ : ፍትወታተ :: ወቀዲሙሰ : ዘእንበለ : ትምጻእ : ኦ ፳፰ ፤  
 ሪት : ምውት : ይእቲ : ኃጢአት :: ወአነሂ : ሐየውኩ : ትካት : ዘእንበለ : ፳፱ ፤  
 ትምጻእ : ኦሪት :: ወሶበ : መጽአት : ትእዛዝ : ኦሪት : ሐይወት : ኃጢአ ፴ ፤  
 ት : ወአንሰ : ሞትኩ :: ወኮነተኒ : ቀታሊተ : እንታክቲ : ትእዛዝ : ሕይወ ፴፩ ፤  
 ት :: እስመ : ኮነታ : ምክንያት : ይእቲ : ትእዛዝ : ለኃጢአት : ወበእንቲ ፴፪ ፤  
 አሃ : አስሐተተኒ : ወቀተለተኒ :: ወይእዜኒ : ኦሪትሰ : ቅድስት : ይእቲ : ፴፫ ፤

1፫፣ ወትእዛዛኒ ፡ ጽድቅ ፡ ውእቱ ፡ ወሠናይ ፡ ወበረከት ። እብል ፡ እንክ ፡ ቦኑ ፡  
 ሊተ ፡ ይከውነኒ ፡ ቀታሌ ፡ ዝኩ ፡ ዘሠናይ ፡ አሐስብ ። ሓሰ ። ዳእሙ ፡ ኃ  
 ጢአት ፡ ሶበ ፡ ተዐውቀት ፡ ከመ ፡ ይእቲ ፡ ኃጢአት ፡ አብዝኅት ፡ ላዕሌየ ፡  
 ሞተ ። አኮኑ ፡ ከመ ፡ ይትዐወቅ ፡ ኃጥእ ፡ ወከመ ፡ ትትአመር ፡ ኃጢአት ፡  
 እምውእቱ ፡ ትእዛዝ ፡ መጽአት ፡ ኦሪት ፡ ከመ ፡ ትፍልጥ ፡ ሠናየ ፡ እምእ  
 1፬፣ ኩይ ፡ ከፍል ፡ ፲፪ ። ናአምር ፡ ከመ ፡ ሕገ ፡ ኦሪትሰ ፡ ለመንፈስ ፡ ወአንሰ ፡  
 1፭፣ በሥጋ ፡ ወደም ፡ ሥዩጥ ፡ ለኃጢአት ። እስመ ፡ ኢያአምር ፡ ዘእገብር ፡ ወ  
 ዘእፈቅድ ፡ ኢይገብር ፡ ኪያሁ ፡ ምንተኒ ። ዳእሙ ፡ ዝኩ ፡ ዘእጸልእ ፡ ኪያ  
 1፮፣ ሁ ፡ ከመ ፡ እገብር ። ወእመሰኬ ፡ ዘኢይፈቅድ ፡ እገብር ፡ ሰማዕቱ ፡ አነ ፡  
 1፯፣ ለዝኩ ፡ ሕገገ ፡ ኦሪት ፡ ከመ ፡ ለሠናይ ፡ ዘመጽአ ። ወይእዜሰኬ ፡ ኢኮን  
 ኩ ፡ አነ ፡ ገባሪሁ ፡ ለውእቱ ። አላ ፡ ኃጢአት ፡ እንተ ፡ ኅደረት ፡ ላዕሌየ ፡  
 1፰፣ ይእቲ ፡ ትገብር ። ወአአምር ፡ ከመሰ ፡ ኢየኅድር ፡ ላዕሌየ ፡ ሠናይ ፡ ዘው  
 ስተ ፡ ሥጋየ ። ፈቂደ ፡ ገቢረ ፡ ሠናይሰ ፡ ሀሎ ፡ ኅቤየ ፡ ወምግባረ ፡ ሠናይ  
 1፱፣ ሰ ፡ አልብየ ። ወአኮሰ ፡ ዘእገብር ፡ ኪያሁ ፡ ዘእፈቅድ ። ዳእሙ ፡ ዝኩ ፡ እ  
 20፣ ኩየ ፡ ዘእጸልእ ፡ ኪያሁ ፡ እገብር ። ወእመሰኬ ፡ ዘኢይፈቅድ ፡ እገብር ፡ ኢ  
 21፣ ኮንኩኬ ፡ አነ ፡ ዘእገብር ። አላ ፡ ኃጢአት ፡ እንተ ፡ ኅደረት ፡ ላዕሌየ ። ወ  
 ረከብከም ፡ ለዝኩ ፡ ሕግ ፡ ዘፈቀደ ፡ ሊተ ፡ እግብር ፡ ሠናየ ፡ ውእቱ ፡ አም  
 22፣ ጽአ ፡ ላዕሌየ ፡ እኩየ ። ሐዋዝ ፡ ውእቱ ፡ ሕገ ፡ እግዚአብሔር ፡ ውስተ ፡  
 23፣ ልብየ ። ወበሕቱ ፡ እረከብ ፡ ካልእ ፡ ሕገ ፡ ኃጢአት ፡ ዘውስተ ፡ አባልየ ።  
 ወተፃብእ ፡ ወተቃተለ ፡ ምስለ ፡ ዝኩ ፡ ሕገ ፡ እግዚአብሔር ፡ ዘውስተ ፡ ል  
 ብየ ፡ ወሐየለ ፡ ዝኩ ፡ ሕገ ፡ ኃጢአት ፡ ዘውስተ ፡ አባልየ ፡ ወዲወዲ ፡ መ  
 24፣ ንገሌሁ ። ትሑት ፡ ብእሲ ፡ አነ ፡ መኑ ፡ እምአድኅነኒ ፡ እምዝንቱ ፡ ነፍስ  
 25፣ ትየ ፡ መዋቲ ። እኩት ፡ እግዚአብሔር ፡ በእንተ ፡ እግዚእነ ፡ ኢየሱስ ፡ ክ  
 ርስቶስ ። አንሰ ፡ ሎቱ ፡ እትቀነይ ፡ በልብየኒ ፡ ወበሕሊናየ ፡ ለሕገ ፡ እግዚ  
 አብሔር ፡ ወበነፍስትየኒ ፡ ለሕገ ፡ ኃጢአት ።

ምዕራፍ ፡ ፳ ፤ ክፍል ፡ ፲፫ ።

1 ፡ ወአልቦሙ ፡ እንክ ፡ ኰነኔ ፡ ለእለ ፡ የኅድጉ ፡ ምግባረ ፡ ሥጋ ፡ በኢየ  
 2 ፡ ሱስ ፡ ክርስቶስ ። እስመ ፡ ሕገ ፡ መንፈስ ፡ ዘሕይወት ፡ ዘተውህበ ፡ በኢየሱ  
 3 ፡ ስ ፡ ክርስቶስ ፡ ውእቱ ፡ አግዐዘን ፡ እምሕገ ፡ ኃጢአት ፡ ወእሞት ። ወሶበ ፡  
 ተሰእኖ ፡ ለሕገ ፡ ኦሪት ፡ ላዕለ ፡ ሞት ፡ በእንተ ፡ ድካመ ፡ ሥጋ ፡ ፈነወ ፡ እ  
 ግዚአብሔር ፡ ወልዶ ፡ በአምሳለ ፡ ነፍስተ ፡ ኃጢአት ፡ ወኩነና ፡ ለይእቲ ፡

ኃጢአት : በነፍስቱ ። ከመ : ያጽድቅን : ኪያን : ወከመ : ይረሲ : ለነ : ከ 01  
 መ : ዘፈጸመ : ገቢሮቶ : ለሕገ : ኦሪት : ለእለ : በሕገ : መንፈስ : የሐውሩ :  
 ወአኮ : ለእለ : በሕገ : ነፍስቶም : ይገብሩ ። እስመ : ነሱም : እለ : ለግ 51  
 ዕዘ : ነፍስቶም : ይገብሩ : ዘዝንቱ : ዓለም : ይሔልዩ ። ወእለሰ : ዘመንፈ  
 ስ : ይሔልዩ : ዘመንፈስ ። ወሕሊናሁሰ : ለነፍስትን : ሞተ : ያመጽእ : ላ 81  
 ዕሌን ። ወሕሊናሁሰ : ለመንፈስ : ሰላመ : ወሕይወተ : ይሁበን ። እስመ : 31  
 ሕሊናሁ : ለነፍስትን : ፀሩ : ለእግዚአብሔር : ውእቱ : እስመ : ኢይገርር :  
 ለሕገ : እግዚአብሔር : ወኢሂ : ይክሎ ። እስመ : ነሱም : እለ : ለግዕዘ : 21  
 ነፍስቶም : ይገብሩ : ለእግዚአብሔር : አድልዎ : ኢይክሎ ። ወአንትሙ 11  
 ሰ : አኮ : ለግዕዘ : ነፍስትክሙ : ዘትገብሩ : ዘእንበለ : ለሕገ : መንፈስ ።  
 እስመ : መንፈስ : እግዚአብሔር : ላዕሌክሙ ። ወዘሰ : አልቦ : መንፈሰ :  
 ክርስቶስ : ላዕሌሁ : ውእቱ : ዘኢኮን : ዘኢሁ ። ወእመሰ : ክርስቶስ : ምስ 11  
 ሌክሙ : ምውተ : ረስዩ : ነፍስተክሙ : ለምግባረ : ኃጢአት : ወሕያወ :  
 ረስዩ : መንፈሰክሙ : ለምግባረ : ጽድቅ ። እመሰ : መንፈሱ : ለዘአንሥ 151  
 ኦ : ለኢየሱስ : እምውታን : ኅዱር : ላዕሌክሙ : ውእቱ : ዘአንሥኦ : እ  
 ምውታን : ለኢየሱስ : ያሐይዎ : ለነፍስትክሙኒ : በውእቱ : መንፈሱ : ዘ  
 የኅድር : ላዕሌክሙ ። ወይእዜኒ : አኅዊን : ኢርቱዕ : ንግበር : ለግዕዘ : ነ 131  
 ፍስትን : እንዘ : ሀሎን : በነፍስትን ። እስመ : ነሱም : እለ : ለግዕዘ : ነፍ 121  
 ስቶም : ይገብሩ : ምውታን : በላዕሉ : እሙንቱ ። ወእመሰ : በምግባረ :  
 መንፈስ : ቀተልክምዎ : ለምግባረ : ነፍስትክሙ : ተሐይዉ ። እስመ : ነሱ 101  
 ሎም : እለ : ይገብሩ : ዘመንፈሰ : እግዚአብሔር : ውሉደ : እግዚአብሔ  
 ር : እሙንቱ ። ወዘአኮ : ካዕበ : ነሣእክሙ : መንፈሰ : ቅኔ : በዘትፈርሁ ። 151  
 አላ : ነሣእክሙ : መንፈሰ : ዘይሁበክሙ : ትርሲተ : ወልድ ። ወትጸርኑ : 131  
 ሎቱ : ወትብልዎ : ኢባ : ወአቡዩ ። ውእቱ : መንፈስ : ቅዱስ : ሰግዕቱ :  
 ለመንፈሰን : ከመ : ውሉደ : እግዚአብሔር : ንሕን ። ወእምከመሰ : ውሉ 131  
 ደ : እግዚአብሔር : ንሕን : ወራስያኒሁ : ንሕን : ወእምከመሂ : ወራስያን :  
 እግዚአብሔር : ንሕን : ወመዋርስቲሁ : ለክርስቶስ : ንሕን ። ወእምከመ  
 ሰ : ዐረይን : ሕግመ : ንዔሪ : ክብረ : ምስሌሁ ። ክፍል : 100 ። ወባሕቱ : 101  
 ሐልይዎ : ለዛቲኒ : ከመ : ኢኮንት : መጠን : ሜጣ : ለአንታክቲ : ክብር :  
 ወስብሐት : እንተ : ለዓለም : ሕግሙ : ለዝዓለም ። እስመ : ተስፋሁ : ለ 111  
 ዓለም : ምጽአቶ : ለወልደ : እግዚአብሔር : ይጸንሕ ። እስመ : ለከንቱ : 81  
 ተቀንዩ : ዓለም : በኢያእምሮ : ወባሕቱ : ቦቱ : ተስፋ : ከመ : ይፃእ : እም 551  
 ዘንቱ : ዘአስሐቶ : ይቅንዮ : ወይግባእ : ውስተ : ስብሐተ : ግዕዛኖም : ለ

፳፯ : ደቂቀ : እግዚአብሔር ። ናአምር : ከመ : ነሉ : ዓለም : ሕሙም : ወትኩ  
 ፳፰ : ዝ : እስከ : ይእዜ ። ወአኮ : ባሕቲቱ : ዓዲ : ንሕነሂ : ንቴከዝ : እለ : ነሣ  
 እነ : ቀዳሜሁ : ለመንፈስ : ቅዱስ : እስመ : ንሴፎ : ትርሲተ : ውሉድ :  
 ፳፱ : ንርከብ : መድኃኒተ : ነፍስነ ። እስመ : በአሚን : ድኅነ ። ወተሰፍዎሰ : ለ  
 ዘያስተርኢ : ኢኮነ : ተስፋ ። ወዘሰ : ይሬኢ : እፎ : ይሴፎ : ወይጸንሕ ።  
 ፴፩ : ወእምከመሰ : ንሴፎ : ዘኢያስተርኢ : ይትዐወቅ : ትዕግሥትነ : ከመ : ተ  
 ፴፪ : ሰፈውናሁ ። ወቆምነ : በእንቲአሁ : ወይረድአነ : ለነ : ድካመነ : በመንፈ  
 ሱ : ቅዱስ ። ወምንትነ : ውእቱ : እንከ : ጸሎትነ : ለእመ : ኢናአምር : ተ  
 ስፋነ ። ወባሕቱ : መንፈስ : ለሊሁ : ይትዋቀሥ : ለነ : በእንተ : ሕማምነ :  
 ፴፫ : ወምንዳቤነ ። ወውእቱ : የሐትቶ : ለልብነ : ወያአምር : ዘይሔሊ : መንፈ  
 ፴፬ : ስ : ወይትዋቀሥ : በኅበ : እግዚአብሔር : በእንተ : ቅዱሳን ። ናአምር :  
 ከመ : ይረድአሙ : እግዚአብሔር : ለእለ : ያፈቅርዎ : ውስተ : ነሉ : ሠ  
 ፴፭ : ናይ : ለኅሩያኒሁ ። እስመ : ለእለ : ቀደመ : አእመሮሙ : ኪያሆሙ : ሠር  
 ዐ : ይኩኑ : በአምሳለ : ወልዱ : ከመ : ይኩን : ውእቱ : በኩረ : በላዕለ :  
 ፴፮ : ብዙኃን : አኅው ። ወለእለሰ : ሠርዐ : ኪያሆሙ : ጸውዐ : ወለእለሰ : ጸው  
 ፴፯ : ዐ : ኪያሆሙ : አጽደቀ : ወለእለ : አጽደቀ : ኪያሆሙ : አክበረ ። ምንተ :  
 እንከ : ንብል : እንበይነዝ : ለእመ : እግዚአብሔር : ምስሌነ : መኑ : ይክ  
 ፴፱ : ለነ ። ወልዶ : ጥቀ : ኢምሕስ : እምኒነ : አላ : መጠዎ : በእንተ : ነሉነ :  
 ፵፩ : ወምንትነ : ውእቱ : እንከ : ዘኢይጼግወነ ። ወመኑ : ውእቱ : እንከ : ዘይ  
 ፵፪ : ትዋቀሥሙ : ለኅሩያነ : እግዚአብሔር ። ለእመ : ለሊሁ : ያጸድቅ ። መኑ :  
 ዘይኳንን ። ክርስቶስ : ኢየሱስ : ዘሞተ : ወተንሥአ : እምውታን : ወሀ  
 ሎ : ይነብር : በየማነ : እግዚአብሔር : ወይትዋቀሥ : በእንቲአነ ። ክፍ  
 ፵፫ : ል : ፲፬ ። መኑ : ያኅድገነ : ፍቅሮ : ለክርስቶስ ። ሕማምኑ : ምንዳቤኑ : ተ  
 ፵፬ : ሰዶኑ : ረኃብኑ : ዕርቃንኑ : መጥባሕትኑ : ጸዕርኑ ። በከመ : ይቤ : መጽሐ  
 ፍ : በእንቲአከ : ይቀትሉነ : ነሎ : አሚረ : ወኮነ : ከመ : አባግዕ : ዘይጠ  
 ፵፭ : ብሐ ። ወባሕቱ : በእንተዝ : ንመውኦ : ለነሉ : እስመ : ውእቱ : አፍቀ  
 ፵፮ : ረነ ። እትአመን : ባሕቱ : ከመ : አልዐ : ዘያኅድገነ : ፍቅሮ : ለእግዚአብ  
 ሔር : በኢየሱስ : ክርስቶስ : እግዚእነ ። ኢሞት : ወኢሕይወት : ወኢመ  
 ፵፯ : ላእክት : ወኢቀደምት : ወኢዘሀሎ : ወኢዘይመጽእ ። ወኢዘኅይል : ወ  
 ኢዘልዑል : ወኢጸድፍ : ወኢዳግም : ልደት ። አልዐ : ዘይክል : አኅድገ  
 ተነ : ፍቅረ : ክርስቶስ ።

ምዕራፍ : ፱ ፤ ክፍል : ፲፭ ፤

አማነ : እብለክሙ : በእንተ : ክርስቶስ : ወኢይሔሱ : ወስምዕየ : ፳ ፤  
መንፈስ : ቅዱስ : ዘውስተ : ልብዩ ። ከመ : እቴክዝ : ወአሐምም : ልብዩ : ፳ ፤  
ፈድፋድ : በኩሉ : ጊዜ ። ወእኤሊ : ከመ : አነ : እትዐለል : እምክርስቶስ : ፳ ፤  
በእንተ : አኅወዮ : ወአከማድየ : እለ : በሥጋ ። እለ : እሙንቱ : እስራኤ  
ላውያን : እለ : ሎሙ : ትርሲተ : ወልድ : ወሎሙ : ክብር : ወሎሙ : ሥ  
ርዓት : ወሎሙ : ሕግ ። ወሎሙ : አሰፈወ ። ወእሙንቱ : አበዊነ : ወእም  
ላዕሌሆሙ : ተወልደ : ክርስቶስ : በሥጋ : ሰብእ : ዘውእቱ : አምላክ : ቡ  
ሩክ : ለዓለመ : ዓለም : አሜን ። አኮኑ : ኢተሐሰወ : ቃለ : እግዚአብሔ  
ር ። ወአክ : ነሎሙ : እስራኤል : እስራኤላውያን ። ወአክ : ነሎሙ : ዘ  
ርዐ : አብርሃም : ዘከንዎ : ውሉዶ : እምይስሐቅ : ዳእሙ : ይሰመይ : ለክ :  
ውሉድ : ይቤሎ ። እስመ : አክ : ውሉዶ : ሥጋ : እሙንቱ : አላ : ውሉ  
ዶ : እግዚአብሔር : እለ : ይከውንዎ : ዘርዐ : እለ : አሰፈወ : ይኩንዎ : ው  
ሉዶ ። እስመ : አሰፈዎ : ወይቤሎ : አመ : ከመ : ዮም : እገብእ : ኅቤክ : ፳ ፤  
ወትረክብ : ሳራ : ወልደ ። ወአክ : በሕቲታ : ዓዲ : ርብቃኒ : ፀንሰት : መ  
ንታ : ለይስሐቅ : አቡነ ። ወዘእንበለ : ይትወለዱ : ወይግበሩ : ሠናየ : ወ  
እኩየ : ከመ : ይትወወቅ : በምንት : ኅርዮቱ : ለእግዚአብሔር ። ከመ : ያ  
እምሩ : ከመ : ኢኮነ : በምግባሩ : ለሰብእ : ዘእንበለ : ዳእሙ : ዘውእቱ :  
ጸውዐ ። ወይቤላ : ለርብቃ : ዘየዐቢ : ይትቀንይ : ለዘይንእስ ። እስመ : ከ  
ማሁ : ጽሑፍ : ያዕቆብሃ : አፍቀርኩ : ወኤሳውሃ : ጸላእኩ ። ምንተ : እን  
ከ : ንብል : ይዲምዕኑ : እግዚአብሔር ። ሓሰ ። ወይቤሎ : ለሙሴ : ለዘሂ : ፳ ፤  
መሐርክዎ : እምሕሮ : ወለዘሂ : ተሣሀልክዎ : እሣሀሎ ። ናሁኬ : ኢኮነ : ፳ ፤  
ለዘበደረ : ወለዘሮጸ ። ዘእንበለ : ዳእሙ : ለዘእግዚአብሔር : ምሕሮ ። ወ  
ይቤ : እግዚአብሔር : በመጽሐፍ : ለፈርዖን : በእንተዝ : አንሣእኩክ : ከ  
መ : አርኢ : ኅይልየ : ላዕሌክ : ወይሰማዕ : ስምየ : በኩሉ : ምድር ። ናሁ  
ኬ : ለዘፈቀደ : ይምሕር : ወለዘፈቀደ : ያዕፅብ ። ምንተ : ትብል : ተሐይ  
ዕኑ : ለእግዚአብሔር ። ቦኑ : ዘይትቃወማ : ለምክሩ ። እንለ : እመሕያው : ፳ ፤  
ምንት : አንተ : ዘትትዎሥኦ : ለእግዚአብሔር ። ይክልኑ : ብሂሎቶ : ግ  
ብር : ለገባሪሁ : ኢትግበረኒ : ከመዝ ። ኢኮነኑ : ብዉሐ : ለብሓዊ : ይግ  
በር : እምኦሐዱ : ጽቡር : ንዋየ : መንፈቆ : ለክብር : ወመንፈቆ : ለኅሳ  
ር ። ወእመኒ : ፈቀደ : እግዚአብሔር : ያርኢ : መቅሠፍተ : ኃይሉ : ያመ  
ጽእ : መላእክተ : መዐቱ : አርእዮ : ትዕግሥቶ : እለ : ድልዋን : ለአማስ

፳፯ : ኖ :: ወከመ : ያርአ : ካዕበ : ብዕለ : ስብሐቲሁ : ያመጽእ : መላእክተ : ም  
 ፳፰ : ሕረቱ : እለ : ድልዋን : ለሣህል : ወንሕነ : እሙንቱ :: እለ : ጸውዐ : ውስ  
 ተ : ክብሩ : ወአስተጋብአነ : አኮ : እምአይሁድ : ባሕቲቶሙ : ዓዲ : እም  
 ፳፱ : አረሚኒ :: በከመ : ይቤ : ሆሴዕ : ነቢይ : እሬስዮ : ሕዝብዮ : ለዘኢኮነ : ሕ  
 ፴፩ : ዝብዮ : ወእሬስያ : ፍቅርትዮ : ለእንተ : ኢኮነት : ፍቅርትዮ :: ወይከውኑ :  
 ፴፪ : ሙ : ሕዝብ : እግዚአብሔር :: ኢሳይያስ : ከልሐ : ወይቤ : በእንተ : እስ  
 ራኤል : ለእመ : ኮነ : ጎልቆሙ : ለደቂቀ : እስራኤል : ከመ : ኖጸ : ባሕ  
 ፴፫ : ር : እለ : ተርፉ : ይደጎኑ :: እስመ : ኅሉቀ : ወምቱረ : ነገረ : ይነግር : እ  
 ፴፬ : ግዚአብሔር : ውስተ : ዓለም : ዘሀለዎ : ይግበር :: ወበከመ : አቅደመ : ኢ  
 ሳይያስ : ብሂለ : ሰበ : አኮ : እግዚአብሔር : ፀባኦት : ዘአትረፈ : ለነ : ዘር  
 ዐ : ከመ : ሰዶም : እምኮነ : ወከመ : ገሞራ : እመሰልነ :: ክፍል : ፲፮ ::  
 ፴፭ : ምንተ : እንከ : ንብል : አረሚ : ጥቀ : እለ : ኢጎሠሥዎ : ለጽድቅ : ረከብ  
 ፴፮ : ዎ : ለጽድቅ : ወጸድቁ : በአሚን :: ወእስራኤል : እንዘ : ይደግንዎ : ለ  
 ኦሪቶሙ : ስእኑ : ጸዲቀ : እስመ : ኢፈጸሙ : ገቢረ : ሕገገ : ኦሪቶሙ ::  
 ፴፯ : በእንተ : ምንት :: እስመ : ኢኮነ : ጽድቆሙ : በአሚን : ዘእንበለ : ዳእ  
 ፴፰ : ሙ : በገቢረ : ሕገገ : ኦሪት :: ወአዕቀፈቶሙ : እብነ : ዕቅፍት :: እስመ :  
 ከማሁ : ይቤ : መጽሐፍ : ናሁ : አነብር : ውስተ : ጽዮን : እብነ : ዕቅፍ  
 ት : ወእብነ : ጌጋይ : ወዘአምነ : ቦቱ : ኢይትጎፈር ::

ምዕራፍ : ፲፫

፩ : አጎውዮ : ሊተሰኬ : ፈቃደ : ልብዩኒ : ወጸሎትዩኒ : ከመ : ይሕዮው :  
 ፪ : እስራኤል :: እስመ : አነ : ማሕተቶሙ : ከመ : ይቅንኡ : ለእግዚአብሔ  
 ፫ : ር : ወአከሰ : በአእምሮቶሙ :: እስመ : ኢያአምርዎ : ለጽድቀ : እግዚአ  
 ፬ : ብሔር : ስእኑ : ገኒዮ :: ወማኅለቅቱሰ : ለጽድቀ : ኦሪት : አሚን : በክርስ  
 ፭ : ቶስ : ውእቱ : ለኩሎሙ : እለ : የአምኑ : ቦቱ :: ወሙሴሂ : ይቤ : ኩሉ :  
 ፮ : ዘፈጸመ : ገቢረ : ሕገገ : ኦሪት : ይጸድቅ : ቦቱ :: ወጽድቀ : አሚንሰ : ከ  
 ፯ : መዝ : ይብል :: ኢትበል : በልብከ : መኑ : የዐርግ : ሰማዮ :: ክርስቶስ :  
 ፳ : ውእቱ : ዘወረደ : እምሰማይ :: ወመኑ : ይወርድ : ውስተ : ቀላይ : ክርስ  
 ፳፩ : ቶስ : ውእቱ : ዘተንሥአ : እሙታን :: ወአኮኑ : ከማሁ : ይቤ : መጽሐፍ ::  
 ቅሩብ : ለከ : ቃል : ውስተ : አፋከ : ወውስተ : ልብከ : ወዝውእቱ : ቃል :

ዘእሚሀረከሙ ። እምከመ ፡ ተአምን ፡ በአፉከ ፡ ከመ ፡ ክርስቶስ ፡ ውእቱ ፡ ፱ ፡  
 እግዚእ ፡ ወተአምን ፡ በልብከ ፡ ከመ ፡ አንሥኦ ፡ እግዚአብሔር ፡ እምው  
 ታን ፡ ተሐዩ ። ወልብኒ ፡ ዘየአምን ፡ ቦቱ ፡ ይጸድቅ ፡ ወአፍኒ ፡ ዘየአምን ፡ 1 ፡  
 ቦቱ ፡ የሐዩ ። ወይቤ ፡ መጽሐፍ ፡ ነሱ ፡ ዘየአምን ፡ ቦቱ ፡ የሐዩ ። ወኢፈ 18 ፡  
 ለጠ ፡ አይሁዳዊ ፡ ወአረማዊ ፡ እስመ ፡ ባዕል ፡ እግዚአብሔር ፡ ወየአክል ፡ 18 ፡  
 ለነሱ ፡ ዘጸውዖ ፡ እስመ ፡ ነሱ ፡ ዘጸውዖ ፡ ስመ ፡ እግዚአብሔር ፡ የሐዩ ። 19 ፡  
 ወባሕቱ ፡ እር ፡ ይጸውዕዎ ፡ እንዘ ፡ ኢየሐምኑ ፡ ቦቱ ፡ ወእር ፡ የአምኑ ፡ 20 ፡  
 በዘኢይሰምዑ ። ወእርኑ ፡ ይሰምዑ ፡ ዘኢሰበኩ ፡ ሎሙ ። ወእርኑ ፡ ይሰብ 18 ፡  
 ኩ ፡ ሎሙ ፡ ዘኢተፈነወ ፡ ሐዋርያ ፡ ኅቤሆሙ ። በከመ ፡ ይቤ ፡ መጽሐፍ ፡  
 ሠናይ ፡ እገሪሆሙ ፡ ለእለ ፡ ይዜንዉ ፡ ሠናየ ፡ ዜና ። ወባሕቱ ፡ አኮ ፡ ነሱ 18 ፡  
 ሙ ፡ ዘሰምዑ ፡ ትምህርተ ፡ ወንጌል ። አኮኑ ፡ ኢሳይያስኒ ፡ ይቤ ፡ እግዚእ ፡  
 መኑ ፡ የአምነን ፡ ቃለን ። ወአሚንሰ ፡ እምሰሚዕ ፡ ወሰሚዕ ፡ በቃለ ፡ እግዚ 18 ፡  
 አብሔር ። ወባሕቱ ፡ እብል ፡ ቦኑ ፡ ኢሰምዑ ፡ እስራኤል ። አኮኑ ፡ ይቤ 18 ፡  
 መጽሐፍ ፡ ውስተ ፡ ነሱ ፡ ምድር ፡ ወዕኦ ፡ ነገሮሙ ፡ ወእስከ ፡ አጽናፈ ፡  
 ዓለም ፡ በጽሐ ፡ ነቢሆሙ ። እስራኤልኑ ፡ ዳእሙ ፡ ኢሰምዑ ፡ ወአኮኑ ፡ ሙ 18 ፡  
 ሴሂ ፡ አቅደመ ፡ ብሂሎቶሙ ፡ አን ፡ አቀንኦሙ ፡ በሕዝብ ፡ ዘኢይሌብዉ ፡  
 ወእምዕዕከሙ ፡ በዘኢኮን ፡ ሕዝብ ። ኢሳይያስኒ ፡ ተኅቢሎ ፡ ይቤ ፡ ረከቡ 8 ፡  
 ኒ ፡ እለ ፡ ኢኅሠሠኒ ፡ ወአስተርአይክምሙ ፡ ለእለ ፡ ኢተስእሉኒ ። ወለእ 88 ፡  
 ስራኤልሰ ፡ ይቤሎሙ ፡ ነሱ ፡ ዕለተ ፡ አንሥኦ ፡ እደውየ ፡ ኅብ ፡ ሕዝብ ፡  
 ዐላውያን ፡ ወከሓድያን ።

ምዕራፍ : 182 ፡ ክፍል ፡ 183

እብል ፡ እንከ ፡ ገደሮሙኑ ፡ እግዚአብሔር ፡ ለሕዝቡ ። ሓሰ ። አኮ 8 ፡  
 ኑ ፡ አን ፡ እስራኤላዊ ፡ አን ፡ ዘርዐ ፡ አብርሃም ፡ እምሕዝብ ፡ ብንያም ። ኢ 8 ፡  
 ገደፈ ፡ እግዚአብሔር ፡ ሕዝቦ ፡ ዘአቅደመ ፡ አእምሮ ። ኢታአምኑ ፡ ዘ 8 ፡  
 ይቤ ፡ ኤልያስ ፡ አመ ፡ ሰከዮሙ ፡ ለእስራኤል ፡ ኅብ ፡ እግዚአብሔር ፡ አን 8 ፡  
 ዘ ፡ ይብል ። እግዚእ ፡ ነቢያቲከኒ ፡ ቀተሉ ፡ ወመሥዋዕታከኒ ፡ ነሠቱ ፡ ወ 8 ፡  
 አን ፡ ባሕቲቶየ ፡ ተረፍኩ ፡ ወየኅሥሥዋ ፡ ለነፍስየ ። ወምንተ ፡ ይቤሎ ፡ 8 ፡  
 ዘአስተርአዮ ፡ አትረፍኩ ፡ ሊተ ፡ ሰብዓ ፡ ምዕተ ፡ ብእሴ ፡ እለ ፡ ኢያመል 8 ፡  
 ክም ፡ ለበዓል ። ከማሁኬ ፡ ዮምኒ ፡ በዝ ፡ መዋዕል ፡ እለ ፡ ኮኑ ፡ ኅሬ ፡ በጸ 8 ፡  
 ጋ ፡ እለ ፡ ተርፉ ፡ አምኑ ፡ በእግዚአብሔር ። ወእመሰኬ ፡ በጸጋ ፡ ጸድቁ ፡ 8 ፡  
 ኢኮነኬ ፡ በምግባር ። ወእመ ፡ አኮሰ ፡ ጸጋ ፡ ኢይከውን ፡ ጸጋ ። ለእመ ፡



- ፮ : በምግባር : ይጸድቁ ። ምንተ : እንከ : የኅሥሥ : እስራኤል : ዘዘንተ : ኢ
- ፯ : ያድምዐ ። ወኅሬሰ : አድምዐ : ወእለ : ተርፉ : ዖሩ ። በከመ : ይቤ : መጽሐፍ : ወሀቦሙ : እግዚአብሔር : መንፈሰ : ድንዙዘ : ከመ : ኢይነጽሩ : በአዕይንቲሆሙ : ወኢይርአዩ : ወኢይስምዑ : በእዘኒሆሙ : እስከ : ዮ
- ፱ : ም ። ዳዊትኒ : ይቤ : ለትኩኖሙ : ማእዶሙ : መሥገርተ : በቅድሚሆሙ :
- ፲ : ለፍዳሆሙ : ወለዕቅፍቶሙ ። ይጽለማ : አዕይንቲሆሙ : ወኢይርአዩ ። ወይትቀጻዕ : ዘባናቲሆሙ : በኩሉ : ጊዜ ። እብል : እንከ : ተዐቅፉት : ከ
- ፲፩ : መ : ይደቁ ። ሓሰ ። አኮኑ : በእንተ : ተዐቅፎቶሙ : ኮነ : ሕይወት : ላዕለ :
- ፲፪ : አሕዛብ : ከመ : ይቅንኡ ። ሶበ : ስሒተ : ዚአሆሙ : ብዕለ : ኮነ : ለአሕዛብ : ወጌጋዩ : ዚአሆሙ : ብዕለ : ኮነ : ለዓለም : እፎ : እንጋ : እምኮነ : ፍ
- ፲፫ : ጻሚሆሙ ። ክፍል : ፲፰ ። ለከሙ : እብል : ለአሕዛብ : አምጣነሰ : ሐዋር
- ፲፬ : ያሆሙ : አነ : ለአሕዛብ : እሴብሓ : ለመልእክትዩ ። እመቦ : ከመ : አቅንኦሙ : በዝንቱ : ለአዝማድዩ : ወለሕዝብዩ : ወአድኅን : እለ : ኮኑ : እም
- ፲፭ : ኒሆሙ ። እስመ : ፀአተ : ዚአሆሙ : ሣህለ : ኮነ : ለዓለም ። እፎ : ፈድፋ
- ፲፮ : ደ : ተመይጦቶሙ : ሕይወት : እምውታን ። ወለእመ : ኮነት : ቀዳሚሃ : ቅድስተ : ወብሔእኒ : ቅዱስ : ከማሁ : ወለእመ : ኮነ : ሥርዋ : ቅዱስ : ከ
- ፲፯ : ማሁ : አዕጼቂሃኒ : ቅዱስ ። ወለእመ : ተሰብሩ : እምአዕጼቂሃ : ኪያከ : አውልዐ : ገዳም : ተከሉ : መካኖሙ : ወኅበርከ : ሥርወ : ምስሌሆሙ : ወ
- ፲፰ : ኮንከ : ዘይተ : ከማሆሙ ። ወኢተዘሀር : ላዕለ : አዕጼቅ ። ወእመሰ : ተዘሀርከ : አኮ : አንተ : ዘትጸውሮ : ለሥርወ : አላ : ሥርወ : ይጸውረከ : ለ
- ፲፱ : ከ ። ትብልኑ : ተሰብሩ : አዕጼቂሃ : ወአነ : ኮንኩ : ዐጽቀ : ዘይት : ህዩንቴሆሙ ። ርቱዕ : ይሰበሩ : እስመ : ኢአምኑ : ወአንተሰ : ቆምከ : እስመ :
- ፳ : አመንከ ። ፍሩሀከ : ንበር : እንከ : ወኢታዕቢ : ርእሰከ ። ሶበ : ለእልክቱ : እለ : ፍጥረቶሙ : ዘይት : እሙንቱ : ኢምሕከሙ : እግዚአብሔር : ኪያ
- ፳፩ : ከኑ : ይምሕከከ ። ርኢ : እንከ : ምሕረቶሂ : ወአጥብዖቶሂ : ለእግዚአብሔር ። ለእለሰ : ወድቁ : አውቀዮሙ : ወለከሰ : ምሕረከ : ለእመ : ነበር
- ፳፪ : ከ : በዘምሕረከ : ወእመ : አኮሰ : ኪያከኒ : ያወቅዩከ ። ወሎሙኒ : ይተከሎሙ : ለእመ : አምኑ : ይክል : እግዚአብሔር : ተኪሎቶሙ : ዳግመ ።
- ፳፫ : ኪያከ : ጥቀ : አውልዐ : ገዳም : ገዘመከ : እምፍጥረትከ : ወተከለከ : ውስተ : ዘኢኮነ : ፍጥረትከ : ውስተ : ሠናይ : ዘይት ። እፎ : እንከ : ፈድፋደ : ሎሙ : ይክል : ተኪሎቶሙ : ውስተ : ፍጥረቶሙ : እለ : ዘይት : እሙን
- ፳፬ : ቱ : ቀዳሚሆሙ ። ወእፈቅድ : ለከሙ : አኅዊነ : ታእምሩ : ዘንተ : ምክረ : ከመ : ኢትበሉ : ጠቢባን : ንሕኒ ። እስመ : ዑረተ : ልብ : ረከዐሙ :

ለእስራኤል : መክፈልቶሙ : እስከ : አመ : ይበውሉ : ነሱ : አሕዛብ ።  
 ወእምዝ : የሐይወ : ነሱ : እስራኤል : በከመ : ይቤ : መጽሐፍ : እምጽ ፳፮ ፤  
 ዮን : ይወፅእ : መድኅን : ወያኦትት : ኃጢአተ : እምያዕቆብ ። ወቦቱ : ይ ፳፯ ፤  
 ረክቡ : ተስፋሆሙ : አመ : አእተትኩ : ኃጢአቶሙ ። እመንገለ : ወንጌ ፳፰ ፤  
 ልሰ : ፀርነ : እሙንቱ : በእንቲአክሙ : ወእመንገለ : ኅሬሰ : አኅዊነ : እ ፳፱ ፤  
 ሙንቱ : በእንተ : አበዊነ ። እስመ : አልቦ : ንስሐ : በጸጋ : እግዚአብሔ ፴ ፤  
 ር ። በከመ : አንትሙ : ቀዲሙ : ዐለውክምዎ : ለእግዚአብሔር : ወይእ ፴፩ ፤  
 ዜሰ : ተሳህላክሙ : እስመ : ዐለውዎ : እሙንቱ ። ከማሁ : እሙንቱሂ : ፴፪ ፤  
 ዐለውዎ : ይእዜ : ከመ : ሎሙኒ : ይሳህሎሙ ። እስመ : እግዚአብሔር : ፴፫ ፤  
 ዘግሐ : ለነሱ : ውስተ : ኃጢአት : ከመ : ይሳህሎ : ለነሱ ። ኦዕመቂሁ : ፴፬ ፤  
 ለብዕለ : ጥበቢሁ : ወአእምሮቱ : ለእግዚአብሔር : ወአልቦ : አሰር : ለፍ ፴፭ ፤  
 ኖቱ : ወአልቦ : ዘያአምሮ : ለፍትሐ ። ወመኑ : የአምሮ : ሕሊናሁ : ለእ ፴፮ ፤  
 ግዚአብሔር ። ወመኑ : ተማከሮ ። ወመኑ : ለቅሐ : ወተፈድዮ ። እስመ : ፴፯ ፤  
 ነሱ : እምኔሁ : ወነሱ : በእንቲአሁ : ወነሱ : ቦቱ : ወሎቱ : ስብሐት :  
 ለዓለመ : ዓለም ። አሜን ።

ምዕራፍ : ፲፪ ፤ ክፍል : ፲፱ ።

እስተበቀላዎክሙ : አኅዊነ : በሳህሎ : ለእግዚአብሔር : ትረስዩ : ነ ፯ ፤  
 ፍስተክሙ : መሥዋዕተ : ቅዱሰ : ለእግዚአብሔር : ሕያው : ወሥሙረ :  
 ወኅሩዩ : ይኩን : ቍርባንክሙ : ወቅኔክሙ : ነባቢ ። ኢታፍቅርዎ : ለዝ : ፮ ፤  
 ዓለም : ወሐድሱ : ልበክሙ : ወአመክሩ : ዘይፈቅድ : እግዚአብሔር : ዘ ፫ ፤  
 ሠናይ : ወዘጽድቅ : ወዘፍጹም ። ወእነግረክሙ : ለነሱክሙ : በጸጋ : እግ ፬ ፤  
 ዚአብሔር : ዘተውህበ : ሊተ ። ከመ : ኢትትዐበዩ : ወኢተሐልዩ : ትዝ ፭ ፤  
 ህርቱ ። ሐልዩ : በዘታነጽሐ : ርእሰክሙ : እምዝሙት ። ወነሱ : በከመ : ፮ ፤  
 ከፈሎ : እግዚአብሔር : በመስፈርተ : ሃይማኖቱ ። በከመ : በውስተ : አ ፯ ፤  
 ሐዱ : ነፍስትነ : ብዙኅ : መለያልዩ : ብነ ። ወዘዘዚአሁ : ምግባሩ ። ከማ ፮ ፤  
 ሁ : ነሱ : እንዘ : ብዙኃን : አሐዱ : ሥጋ : ንሕነ : በክርስቶስ ። ወብክ ፯ ፤  
 ሙ : ጸጋ : እግዚአብሔር : ወዘዘዚአሁ : ጸጋሁ ። ዘሂ : ይትኔበይ : በሐሳ ፮ ፤  
 በ : ሃይማኖቱ ። ወዘሂ : ይትለአክ : በመልእክቱ : ወዘሂ : ይሜህር : በት ፯ ፤  
 ምህርቱ ። ወዘሂ : ይትፌሳኦ : በፍሥሐሁ ። ወዘሂ : ይሠዩም : ከመ : ያ ፯ ፤  
 ስልጥ : መልእክቶ : ወዘሂ : ይምሕር : በምሒሮቱ ። ተፋቀሩ : ዘእንበለ : ፱ ፤  
 ኑፋቄ ። ተገሐሡ : እምእኩይ : ወትልዉ : ሠናዩ : ወአድልዉ : ለጽድቅ ።

11 አፍቅሩ : ቢጸክሙ : ወኩኑ : መሐርያን ። ተክበሩ : በበይናቲክሙ : ወአ  
 12 ነብሩ : መኳንንቲክሙ ። ወለጸሀቅ : ኢትትሀከዩ : ለመንፈስ : ተሐይወ :  
 13 ለእግዚአብሔር : ተቀነዩ ። ለተስፋክሙ : ተፈሥሑ : ለሕማምክሙ : ተ  
 14 ዐገሡ : ለጸሎትክሙ : ተፀመዱ ። ለግብረ : ቅዱሳን : ተሳተፉ ። አፍቅሮ :  
 15 ነግድ : አትልዉ ። ደሐርዎሙ : ለእለ : ይሰድዱክሙ : ደሐሩ : ወኢትር  
 16 ግሙ ። ምስለ : ዘይትፌሣሕ : ተፈሥሑ : ወምስለ : ዘይበኪ : ብከዩ ።  
 17 ወከመዝ : ሐልዩ : ምስለ : ቢጽክሙ : ወትዕቢተሰ : ኢተሐልዩ : ወከመ :  
 18 ዘያቴሕት : ርእሶ : ተመሰሉ ። ወኢትበሉ : ጠቢባን : ንሕነ ። ወኢትፍድ  
 19 ይዎ : እኩዩ : ለዘአሕሠመ : ለክሙ ። ሠናዩ : ተናገሩ : ምስለ : ቢጽክ  
 20 ሙ ። ወእመሰ : ይትከሀለክሙ : ምስለ : ነሉ : ሰብእ : ተአኅዉ ። ወኢ  
 21 ትትበቀሉ : ለሊክሙ : አኅዩነ : አኅልፍዎ : ለመዐት : እስመ : ከመዝ : ይ  
 22 ቤ : አነ : እትቤቀል : ይቤ : እግዚአብሔር : ወአነ : እትፈደይ ። ወእመኒ :  
 23 ርኅበ : ጸላኢከ : አብልዎ : ወለእመኒ : ጸምአ : አስትዮ : ወዘንተ : ለእመ :  
 24 ገበርከ : አፍሓመ : እሳት : ታስተጋብእ : ዲባ : ርእሱ ። ወኢትማእ : በእ  
 ኩይ ። አላ : ማእ : ለእኩይ : በገቢረ : ሠናይ ።

ምዕራፍ : 11።

1 ለኩሉ : ነፍስ : መኩንን : ተኩነኑ : እስመ : ኢይሠዩም : መኩንን :  
 2 ዘእንበለ : እምኅበ : እግዚአብሔር : ወእምከመሰ : እምኅበ : እግዚአብሔ  
 3 ር : ውእቱ : ነሉ : ብዉሕ : ሎቱ ። ወዘሰ : አበዩ : ተኩንኖ : ለመኩንን :  
 4 ትእዛዘ : እግዚአብሔር : አበዩ ። ወእለሰ : አበዩ : ተኩንኖ : ነኅኔ : ያመ  
 5 ጽኑ : ለርእሶሙ ። ወመኳንንትሰ : ኢኮኑ : ግሩማነ : ለዘይገብር : ሠናዩ :  
 6 ዘእንበለ : ለዘእኩይ : ምግባሩ ። ወእመሰ : ትፈቅድ : ኢትፍርሆሙ : ለ  
 7 መኳንንት : ግበር : ሠናዩ : ወዳዲ : እሙንቱ : ያአኩቱክ ። እስመ : ላእከ  
 8 ነ : እግዚአብሔር : እሙንቱ : ከመ : አንተ : ታሠኒ : ምግባሪከ : ወእመሰ :  
 9 ፈቀድከ : ኢትፍራህ : ግበር : ሠናዩ ። ወዘአከ : ለከንቱ : አኩንንዎሙ :  
 10 መጥባሕተ : እስመ : ላእከኑ : እሙንቱ : ከመ : ይትበቀልዎ : ለገባሬ : እ  
 11 ኪት ። ወይእዜኒ : በግብር : ተኩነኑ ። ወአከ : ዳእሙ : ዘእኩይ : ዳዲ : ዘ  
 12 ሠናይኒ : ምግባሩ ። ወበእንተዝ : ታገብኩ : ሎሙ : ጸባሕተ ። እስመ : ላ  
 13 እከነ : እግዚአብሔር : እሙንቱ : ወለዝ : ግብር : ተሠይሙ ። ወለኩሉ :  
 14 በዘይረትዕ : ግበሩ ። ወለዘሂ : ጸባሕተ : ጸብሑ : ወለዘሂ : ብነተ : በንቱ ።  
 15 ወለዘሂ : ፍርሃተ : ፍርሁ ። ወለዘሂ : ክብረ : አክብሩ ። ወአልቦ : ዘይበቀሉ

ዐክሙ ፡ ዘእንበለ ፡ አፍቅሮ ፡ በጸክሙ ፡ ። ወዘሰ ፡ አፍቀረ ፡ በጸ ፡ ነሱ ፡  
 ሕገ ፡ ፈጸመ ፡ ገበሬ ፡ ። እስመ ፡ ከመዝ ፡ ይቤ ፡ በኦሪት ፡ ኢትሑር ፡ ብእሲ ፡ ፱ ፡  
 ተ ፡ ብእሲ ፡ ወኢትቅትል ፡ ነፍሰ ፡ ። ወኢትስርቅ ፡ ወኢትኩን ፡ ሰማዕተ ፡  
 በሐሰት ፡ ወኢትፍቱ ፡ ። ወዓዲ ፡ ባዕድኒ ፡ ቦቱ ፡ ትእዛዝ ፡ ወርእሱ ፡ ለኩሉ ፡  
 አፍቅር ፡ በጸክ ፡ ከመ ፡ ነፍስከ ፡ ። ዘያፈቅር ፡ በጸ ፡ ኢይገብር ፡ እኩየ ፡ ተ ፡ ፲ ፡  
 ፋቅሮሰ ፡ ፍጹም ፡ ሕግ ፡ ውእቱ ፡ ። ወዘኒ ፡ ታአምሩ ፡ ከመ ፡ በጽሐ ፡ ጊዜ ፡ ፲፭ ፡  
 ሁ ፡ ለኒቂህ ፡ እምንዋም ፡ ወይእዜሰ ፡ አልጸቀት ፡ ሕይወትነ ፡ እንተ ፡ ተሰ  
 ፈውነ ፡ ። ውነለፊት ፡ ሌሊት ፡ ወመጽአት ፡ መዐልት ፡ ። ወንግድፍ ፡ እምላፅ ፡ ፲፮ ፡  
 ሌነ ፡ ምግባረ ፡ ጽልመት ፡ ወንልበስ ፡ ወልታ ፡ ብርሃን ፡ ። ከመ ፡ ናንሶሱ ፡ ፲፯ ፡  
 በምግባረ ፡ ጽድቅ ፡ ወአኮ ፡ በተውኔት ፡ ወበማኅሌት ፡ ወበስታይ ፡ ወበዝ  
 ሙት ፡ ወበመርዓት ፡ ወአኮ ፡ በተሐምሞ ፡ ወበቅንኣት ፡ ። ልበስዎ ፡ ለእግ  
 ዚእነ ፡ ኢየሱስ ፡ ክርስቶስ ፡ ። ወኢተሐልዩ ፡ ፍትወተ ፡ ሥጋክሙ ።

ምዕራፍ : ፲፬ ፤ ክፍል ፡ ፳ ፤

ወለዘኒ ፡ ድኩም ፡ ሃይማኖቱ ፡ ጸርዎ ፡ ወኢትግበሩ ፡ ለአድልዎ ፡ ፮ ፡  
 ዘሰ ፡ የአምን ፡ ከመ ፡ ነሱ ፡ ብዉሕ ፡ ሎቱ ፡ ነሱ ፡ ለይብላፅ ፡ ወዘሰ ፡ ይና ፡ ፪ ፡  
 ፍቅ ፡ ኅምለ ፡ ለይሴሰይ ፡ ። ወዘኒ ፡ ይበልፅ ፡ ኢይመንኖ ፡ ለዘኢይበልፅ ፡ ወ ፡ ፫ ፡  
 ዘኒ ፡ ኢይበልፅ ፡ ኢይግእዘ ፡ ለዘይበልፅ ፡ እስመ ፡ ለኩሎሙ ፡ እግዚአብ  
 ሔር ፡ አእመሮሙ ፡ ። አንተ ፡ እንከ ፡ ምንትኑ ፡ አንተ ፡ ዘትግእዝ ፡ ነባሬ ፡ ፬ ፡  
 ባዕድ ፡ እንዘ ፡ ለእግዚአብሔር ፡ ይቀውም ፡ ። እመኒ ፡ ወድቀ ፡ ለእግዚአብሔር ፡ ይቀ  
 ውም ፡ ይክል ፡ እግዚአብሔር ፡ አቅሞቶ ፡ እስመቦ ፡ ዘይትሔረም ፡ እምፅ ፡ ፭ ፡  
 ለት ፡ ዕለተ ፡ ወቦ ፡ ዘይትሔረም ፡ በኩሉ ፡ መዋፅል ፡ ። ወባሕቱ ፡ ለኩሉ ፡  
 በከመ ፡ አዘዞ ፡ ልቡ ፡ ። ዘሂ ፡ ተሐረመ ፡ በበዕለቱ ፡ ለእግዚአብሔር ፡ ተሐረ ፡ ፮ ፡  
 መ ፡ ። ወዘሂ ፡ ተሐረመ ፡ በኩሉ ፡ መዋፅል ፡ ለእግዚአብሔር ፡ ተሐረመ ፡ ።  
 ወዘሂ ፡ በልዐ ፡ ለእግዚአብሔር ፡ በልዐ ፡ ወያኣኩቶ ፡ ለእግዚአብሔር ፡ ወ ፡  
 ዘኒ ፡ ኢበልዐ ፡ ለእግዚአብሔር ፡ ኢበልዐ ፡ ወያኣኩቶ ፡ ለእግዚአብሔር ፡ ።  
 ወአልቦ ፡ እምውስቴትነ ፡ ዘለርእሱ ፡ የሐዩ ፡ ወዘለርእሱ ፡ ይመውት ፡ ። ወ ፡ ፯ ፡  
 እመኒ ፡ ሐየውነ ፡ ለእግዚአብሔር ፡ ነሐዩ ፡ ። ወእመኒ ፡ ሞትነ ፡ ለእግዚአብ  
 ሔር ፡ ንመውት ፡ ። እመኒ ፡ ሐየውነ ፡ ወእመኒ ፡ ሞትነ ፡ ለእግዚአብሔር ፡  
 ንሕነ ፡ ። ወበእንተዝ ፡ ሞተ ፡ ክርስቶስ ፡ ወሐይወ ፡ ከመ ፡ ይኩንን ፡ ሕያዋ ፡ ፱ ፡  
 ነ ፡ ወምውታነ ፡ ። አንተ ፡ እንከ ፡ ምንትኑ ፡ አንተ ፡ ዘትግእዝ ፡ በጸክ ፡ ወ ፡ ፲ ፡  
 ምንትኑ ፡ አንተ ፡ ዘትጫንን ፡ በጸክ ፡ እንዘ ፡ ሀለወነ ፡ ነሱ ፡ ንብጻሕ ፡ ቅ

1፫ : ድመ : ምኵናኑ : ለክርስቶስ = እስመ : ከመዝ : ይቤ : እግዚአብሔር : ሕ  
 ያው : አነ : እስመ : ሊተ : ይሰግድ : ኹሉ : ብርክ : ወሊተኒ : ይገኒ : ኹሉ :  
 1፬ : ልሳን = ናሁ : ተዐውቀ : ከመ : ሀለወነ : ኹልነ : ንትሐተት : በኅበ : እግ  
 1፭ : ዚአብሔር = ኢንግአዝ : እንከ : ቢጸነ = ወዘንተ : ዳእሙ : ነሐሊ : በዘኢ  
 1፮ : ንግአዝ : ቢጸነ = ወአአምር : ወእትእመን : በእግዚእነ : ኢየሱስ : ከመ :  
 1፯ : አልቦ : ዘይማስን : በእንቲአሁ : ለሙሱን : ዳእሙ : ኹሉ : ይማስን = ወእ  
 1፲ : መሰ : እንበይነ : መብልዕ : ተሐይሶ : ለቢጽከ : አልብከኔ : ተፋቅሮ = በ  
 ኑ : እንበይነ : መብልዕ : ይትኅጉል : ዝኩ : ዘበእንቲአሁ : ሞተ : ክርስቶ  
 1፻ : ስ = ኢትዕርፋ : እንከ : ላዕለ : ሠናይ = እስመ : ኢኮነ : መንግሥተ : እግ  
 ዚአብሔር : መብልዕ : ወመስቴ : ዘእንበለ : ጽድቅ : ወሰላም : ወፍሥሓ :  
 1፺ : በመንፈስ : ቅዱስ = ወዘሰ : ከመዝ : ይትቀነይ : ለክርስቶስ : ሥሙር : በ  
 1፻፱ : ኅበ : እግዚአብሔር : ወኅሩይ : በኅበ : ሰብእ = ወይእዜኒ : ንትልዋ : ለሰ  
 ፩ : ላም : በዘይትሐነጽ : ቢጸነ = ወኢንስዐር : ግብረ : እግዚአብሔር : እንበ  
 ይነ : መብልዕ = ወበሕቱ : ኹሉ : ንጹሕ : ለንጹሕ : ወአኩይሰ : ለሰብእ :  
 ፳፮ : በኑፋቄ : በሊዕ = ይኄይስ : ኢበሊዐ : ሥጋ : ወኢሰቲዩ : ወይን : እምአዕ  
 ፳፻ : ቅፎ : ቢጸነ = ወእመኒ : ብከ : ሃይማኖተ : አጽንዕ : ርእሰከ : በተአምኖት  
 ከ : ቅድመ : እግዚአብሔር = ወብፁዕ : ዘኢይዘልፍ : ርእሶ : በዘረከበ :  
 ፳፻፲ : አእምሮተ = ወዘሰ : ይናፍቅ : ለእመ : በልዐ : ይትኳነን : እስመ : ኢኮነ :  
 በአሚን = ወኹሉ : ዘይከውን : ዘእንበለ : አሚን : ኃጢአት : ወጌጋይ :  
 ውእቱ =

ምዕራፍ : ፲፭ ፤ ክፍል : ፳፩ ፤

፩ : ወርቱዕሰ : አንትሙ : ጽኑግን : ትጹርዎሙ : ድካሞሙ : ለሰኡናን =  
 ፮ : ወኢናድሉ : ለርእስነ = ወኹልነ : ናድሉ : ለጽድቅ : ወለግብር : ሠናይ :  
 ፫ : በዘይትሐነጽ : ቢጸነ = ክርስቶስኒ : አከ : ለርእሱ : ዘአድለወ = ዳእሙ :  
 በከመ : ይብል : መጽሐፍ : ትዕይርቶሙ : ለእለ : ይትዔዩሩከ : ወድቀ : ላ  
 ፬ : ዕሌዩ = ወኹሉ : ዘተጽሕፈ : ለተግሣጸ : ዚአነ : ተጽሕፈ = ከመ : በትዕግ  
 ፭ : ሥትነ : ወበተወክሎ : መጻሕፍት : ንርከብ : ተስፋነ = ወእግዚአብሔር :  
 አምላክ : ትፍሥሕት : ወአቡሃ : ለምሕረት : የሀበነ : ነሐሊ : ዘዘዚአሁ :  
 ፮ : ለኹልነ : በእንተ : ኢየሱስ : ክርስቶስ = ከመ : ኹልነ : ኅቡረ : በአሐዱ :  
 ፯ : አፍ : ንሰብሐ : ለእግዚአብሔር : በኢየሱስ : ክርስቶስ : እግዚእነ = ወይ  
 እዜኒ : ተወከፋ : ቢጸክሙ : እስመ : ክርስቶስ : ተወክፈክሙ : ውስተ : ስ  
 ፯ : ብሓተ : እግዚአብሔር = እብል : እንከ : ክርስቶስ : ላእከ : ኮነ : ለግዝረ

ት : ለጽድቅ : ቃለ : እግዚአብሔር : ከመ : ያጽንዓ : ለተስፋ : አበዊን ።  
 ወአሕዛብሰ : ይሴብሕዎ : ለእግዚአብሔር : እስመ : ተሣህሎሙ : እስመ : ፱ ።  
 ከግሁ : ይቤ : መጽሐፍ : በእንተዝ : እገኒ : ለከ : በውስተ : አሕዛብ : እግ  
 ዘኦ : ወእዜምር : ለስምከ ። ወካዕበ : ይቤ : መጽሐፍ : ተፈሥሐ : አሕዛ ፲ ።  
 ብ : ምስለ : ሕዝቡ ። ወካዕበ : ይቤ : ሰብሕዎ : ለእግዚአብሔር : ነፍሐክ ፲፮ ።  
 ሙ : አሕዛብ : ወይሴብሕዎ : ነሎሙ : ሕዝብ ። ወኢሳይያስኒ : ይቤ : ይ ፲፱ ።  
 ቀውም : ሥርወ : እሴይ : ወዘተሠይመ : እምኔሁ : ይከውን : ንጉሠ : ለአ  
 ሕዛብ : ወሕዝብ : ይትዌከሉ : ቦቱ ። ወእግዚአብሔር : አምላክ : ተስፋ : ፲፻ ።  
 ይፈጽም : ለክሙ : ነሎ : ፍሥሐ : ወሰላመ : በአሚን : ከመ : ያብዝኅክ  
 ሙ : በተስፋሁ : በመንፈስ : ቅዱስ : ወበኅይሉ ። ክፍል : ፳፱ ። ወእትአ ፳፱ ።  
 መነክሙ : አነሂ : አኅዊን : ከመ : ትፈጽሙ : በነሉ : ምግባረ : ሠናይ :  
 ወጽጉባን : እንትሙ : በነሉ : ጥበብ : ወትክሉ : ምህርቶሙ : ለቢጽክ  
 ሙ ። ወተኅቢልየ : ጸሐፍኩ : ለክሙ : እምኦሐዳ : ገጽ : በእንተ : ጸጋ ፲፻ ።  
 ሁ : ለእግዚአብሔር : ዘረከብኩ ። ከመ : እትለኦክ : ለኢየሱስ : ክርስቶስ : ፳፯ ።  
 ውስተ : አሕዛብ : ወከመ : እትቀነይ : ለትምህርተ : እግዚአብሔር ። ከ  
 መ : ይኩን : መሥዋዕቶሙ : ለአሕዛብ : ሥሙረ : ወኅሩየ : በመንፈስ :  
 ቅዱስ ። ወሊተሰ : ኢየሱስ : ክርስቶስ : ምክሕየ : ለኅበ : እግዚአብሔር ። ፳፰ ።  
 ወእትኅበል : እንግር : ዘገብረ : ሊተ : ክርስቶስ : በዘየአምኑ : አሕዛብ : ፳፯ ።  
 በቃል : ወበምግባር ። በኅይል : ወበትእምርት : ወበመንክር : በኅይል : መ ፳፱ ።  
 ንፈስ : ቅዱስ ። ወዘከመ : መሀርኩ : በኢየሩሳሌም : እስከ : አድያሚሃ :  
 ለኢያሪኮ : ወፈጸምኩ : ትምህርተ : ክርስቶስ ። ወፈድፋደ : ተፈቅረት : ፳፻ ።  
 ትምህርቱ ። ወኢሖርኩ : ኅበ : ተሰምየ : ክርስቶስ : ከመ : ኢይሕንጽ :  
 ዲበ : መሰረተ : ባዕድ ። በከመ : ይብል : መጽሐፍ : እለኒ : ኢዜነውዎ ፳፻ ።  
 ሙ : በእንተአሁ : ያእምርዎ : ሀለዎሙ : ወእለኒ : ኢሰምዕዎ : ይሴብው  
 ዎ ። ወዘልፈ : እፈቅድ : እምጸእ : ኅቤክሙ : ወይሰአነኒ ። ወይእዜ : ባሕ ፳፻ ።  
 ቱ : እስመ : ሰለጥኩ : በዝ : በሐውርት : እስመ : እጽህቅ : እምጸእ : ኅቤ ፳፻ ።  
 ክሙ : እምኑንዳይ : ዕለት : ወእንዘ : አሐውር : መንገለ : እስጳንያ : እሴ ፳፻ ።  
 ፎ : እርአይክሙ : ኅሉፈ : ወእምኅቤክሙ : እትፌኖ : ህየ : እምከመ : ቀ  
 ደምኩ : ተፈሣሕኩ : ምስሌክሙ ። ወይእዜሰ : አሐውር : ኢየሩሳሌም : ፳፻ ።  
 በመልእክተ : ቅዱሳን ። እስመ : ኅብሩ : መቀደንያ : ወአካይያ : ያስተዋዕ ፳፻ ።  
 ኡ : ለነዳያን : እለ : በኢየሩሳሌም : ወለቅዱሳን ። ወሠምሩ : እስመ : ርቱ ፳፻ ።  
 ዕ : ሎሙ ። እምከመሰ : ተሳተፍዎሙ : ለአሕዛብ : በግብር : ዘመንፈስ :  
 ቅዱስ : ርቱዕ : ይትለኦክዎሙ : በዘይትፈቀድ : ለነፍስቶሙ ። ወዘንተ : ፳፻ ።

ጸ፱ : ፈጸምየ : ወጎተምየ : አኅልፍ : እንተ : ጎቤክሙ : ለእስጳንያ :: ወእትአ  
 መን : ባሕቱ : ከመ : እምጸእ : ጎቤክሙ : በፍጻሜ : በረከተ : ትምህርተ :  
 ፀ፲ : ክርስቶስ :: ክፍል : ፳፫ :: ወአስተበቀዎክሙ : አኅዌነ : በእግዚእነ : ኢየ  
 ሱስ : ክርስቶስ : ወበፍቅረ : መንፈስ : ቅዱስ : ተሰአሉ : ሊተ : በጸሎት  
 ፀ፳ : ክሙ : ጎበ : እግዚአብሔር :: ከመ : ያድጎነኒ : እምዐላውያን : አለ : ብሔ  
 ፀ፴ : ረ : ይሁዳ : ከመ : አሥምሮሙ : ለቅዱሳን : አለ : በኢየሩሳሌም :: ከመ :  
 እምጸእ : ጎቤክሙ : በፍሥሐ : ወአዕርፍ : ምስሌክሙ : በፈቃደ : እግዚ  
 ፀ፶ : አብሔር :: ወአምላክ : ሰላም : የሀሉ : ምስሌክሙ : አሜን ::

ምዕራፍ : ፲፮ ፤

አ፡ አማኅፀንኩክሙ : ፌቤንሃ : እኅተነ : እንተ : ትትለአክ : ለቤተ : ክ  
 ጸ፡ ርስቲያን : ዘቅንክርኤስ :: ወትትወከፍዋ : በእግዚእነ : በከመ : ይደልዎ  
 ፉ : ለቅዱሳን : ወሥርዕዋ : ውስተ : ዘፈቀድክሙ : ትከዝክሙ : እስመ :  
 ደ፡ አስለጠት : ለብዙኃን : ወሊተኒ :: አምኑ : ጵርስቅላሃ : ወአቂላሃ : አለ :  
 ቆ፡ ጎብሩ : ምስሌየ : በግብረ : ኢየሱስ : ክርስቶስ :: አለ : መጠዉ : ክሳዶ  
 ሙ : በእንተ : ነፍስየ :: ወአከ : አነ : በሕቲትየ : ዘአካዮቶሙ :: ዓዲ : ነፕ  
 ጸ፡ ሎሙ : አብያተ : ክርስቲያናት : ዘአሕዛብ :: ወአምኑ : ማኅበረ : አለ : ው  
 ስተ : ቤቶሙ :: ወአምኑ : ኤዲኔጦን : እኅዮ : ዘውእቱ : ጥንቶሙ : ለእ  
 ጸ፡ ስያ : በክርስቶስ :: አምኑ : ማርያ : እንተ : ብዙኃ : ሰርሐት : ለክሙ :: አ  
 ጸ፡ ምኑ : አንድሮኒቆን : ወዩልያን : አለ : አዝማድየ : ወተዳወዉ : ምስሌየ ::  
 ጸ፡ ወያአምርዎሙ : ሐዋርያት : ከመ : ቀደሙኒ : ተልእኩ : ለክርስቶስ :: አ  
 ፱፡ ምኑ : አንጵልያጦን : እኅዮ : በክርስቶስ :: አምኑ : ኢሩባኖን : ዘነኅብር :  
 ጸ፡ በግብረ : ክርስቶስ : ወስጣክን : እኅዮ :: አምኑ : ኤዲሌን : ኅሩየ : በክር  
 ጸ፡ ስቶስ :: አምኅዎሙ : ለአለ : አንአርስጦቦሉ :: አምኑ : ሄሮድዮና : ዘአዝ  
 ጸ፡ ማድየ :: አምኑ : አለ : እምውስተ : ቤተ : ንርቀሱ : አለ : በክርስቶስ :: አ  
 ጸ፡ ምኑ : አለ : ጥሬፌና : ወጢሮፎሳ : አለ : ጸመዉ : በእግዚእነ :: አምኑ :  
 ጸ፡ ጴርሲዳ : እኅተነ : እንተ : ብዙኃ : ጸመወት : በእግዚእነ :: አምኑ : ሩፎ  
 ጸ፡ ን : ኅሩዮ : ለእግዚእነ : ወእሞ : ወሊተኒ : እምየ :: አምኑ : አሰንቀሪጦን :  
 ወአፍለሶንጣ : ወሄሮሜን : ወጳጥሮባን : ወሄሮማን : ወአኅዌነ : አለ : ምስ  
 ጸ፡ ሌሆሙ :: አምኑ : ፍሌጎን : ወዩልያ : ወኔርያ : ወእኅቶ : ወአልንጦን : ወ  
 ጸ፡ ነሎሙ : ቅዱሳን : አለ : ምስሌሆሙ :: ወተአምኑ : በበይናቲክሙ : በአ  
 ጸ፡ ምኑ : ቅድሳት : ወአምኑክሙ : ነሎ : አብያተ : ክርስቲያናቲሁ : ለክርስ

ቶስ ። አስተባባሪዎቻቸው ። አካባቢ ። ተግባራዊነት ። ለእነዚህ ፡ ይገባሉ ። ሀኪም ። ፲፮ ፤  
 ወያኔዎች ። ካህናት ። ላዕላ ። ትምህርት ። ዘመናዊ ። ትምህርት ።  
 ወተገባራዊነት ። እስከ ። ለከርም ። ይተቀናጅ ። ወአካ ። ለእግዚአብሔር ። ፲፱ ፤  
 ኢየሱስ ። ክርስቶስ ። ወብኒሳይ ። ነገር ። ወበተደውሆ ። ያስረዳል ። ለብ  
 ዙፋን ። የዋሃን ። ወነገረ ። ዚአክሙስ ። ተሰምዖ ። በኩላላ ። ወእትፊሳላ ። ፲፱ ፤  
 በእንቲኦክሙ ። ወእፈቅድ ። ለክሙ ። ትጥብ ። ለሠናይ ። ወትገባራዊ ።  
 ለእኩይ ። ወአምላክ ። ሰላም ። ለይቀጥቅጦ ። ለሰይጣን ። በታላቅ ። እገሪክ ። ፳ ፤  
 ሙ ። ፍጡን ። ጸጋሁ ። ለእግዚአብሔር ። ኢየሱስ ። ክርስቶስ ። የሀሉ ። ምስሌክ ።  
 ሙ ። ይኤምኅክሙ ። ጠጥቶ ። ዘነኅብር ። ግብር ። ምስሌሁ ። ወሉቀዮ ። ፳፩ ፤  
 ስ ። ወኢያሶን ። ወሶሲጸጥርስ ። እለ ። አዝማድዮ ። ወአማኅኩክሙ ። አነ ። ፳፪ ፤  
 ጤርጥዮስ ። ዘጸሐፍክዋ ። ለዛቲ ። ሙጽሐፍ ። በእግዚአብሔር ። አምኅክሙ ። ጋ ። ፳፫ ፤  
 ይዮስ ። ዘያኅድረኒ ። በንግድትዮ ። ወኩሉ ። አብያተ ። ክርስቲያናት ። አም  
 ትክሙ ። አርስጦስ ። ሙጋቤ ። ሀገር ። ወቁኦርጦስ ። እኑን ። ውእቱ ። ዘይክ ። ፳፬ ፤  
 ል ። ያፅንዕክሙ ። እግዚአብሔር ። ላዕላ ። ስብከት ። ዘእሰብክ ። ባቲ ። በእን  
 ተ ። ኢየሱስ ። ክርስቶስ ። ዘነብሉ ። ኅርሙታ ። አምቅድሙ ። ዓለም ። ወአስ ። ፳፭ ፤  
 ተርአዮ ። በዝ ። ሙዋዕል ። እምቃለ ። ነቢያት ። ወበትእዛዘ ። እግዚአብሔር ።  
 ዘለዓለም ። ከመ ። ይስምዑ ። ኩሉ ። አሕዛብ ። ወይእመኑ ። በኢየሱስ ። ክር  
 ስቶስ ። ወልደ ። እግዚአብሔር ። ወያእምርዎ ። ለእግዚአብሔር ። ዘሎቱ ። ፳፮ ፤  
 ስብሐት ። ወውእቱ ። ጠቢብ ። ለዓለመ ። ዓለም ። አሜን ። ጸጋሁ ። ለእግዚ  
 እነ ። ኢየሱስ ። ክርስቶስ ። ምስለ ። ኩልክሙ ። አሜን ።

ተፈጸመ ። ዘሮሜ ። ወተጽሕፈ ። በቆሮንቶስ ። ወተፈነወ ። በእደ ። ፌ  
 ቤን ። እንተ ። ትትለኦክሙ ። ለማኅበር ። ክንክርኤስ ።